

迓客至大浪灘上

小壟瓜蔓綠短籬梅子黃曉風掠水來吹我醉
面涼平生蕭散意未覺將迎忙溪山供一笑客
主可相忘寧當倒手版聊復據胡床太平豈無
象麥飯家家香我歸亦何有養氣猶軒昂那因
五斗陳坐變百鍊剛

郊行

小雨東郊氣象新蕭蕭清吹爽衣巾竝谿密竹

巧藏寺夾道新麻高没人老厭簿書愁欲睡病
疎盃酌渴生塵桐君山路無多遠元自知津莫
問津

夏雨

東風吹雨溪上來北山出雲以應之嚴州城中
三日雨朝暮點滴無休時向來秧底乾欲裂白
水漫漫俄盈陂豚肩覆豆巫醉飽龍骨挂壁農
邀嬉今年蠶麥收數倍繭大如瓮麥兩岐西成

在眼又如此還鄉鼓腹歌淳熙

時去受代
纔四十日

雨中作

礎潤雲生五月中
山城細雨晚空濛
讀書雖恨此身老
把酒尚思吾輩同
積潤畫圖昏素壁
漬香衣幘覆熏籠
新晴不用占鍾鼓
臥聽林梢淅淅風

醉題

不學空門不學仙
清樽隨處且陶然
人情正可

付一笑
生世元知無百年
白首難陪東閣客
清風自足北窗眠
歸耕只要無人問
安用文章海內傳

有懷青城霧中道友

雪谷孤松自鬱然
紛紛朝菌但堪憐
坐更拂石芥城劫
時說開皇龍漢年
淡煮藜羹天送供
閒拖藤杖地行仙
共看王室中興後
夏約長安一醉眠

梅雨初晴迓客東郊

霽色澄鮮已斷梅江郊隱隱尚輕雷層巒正對
孤城落健席遙看大編來幼婦髻鬟簪早稻近
村坊店賣新醅吾行在處皆詩本錦段雖殘試
剪裁

晚歸

暑雨初晴日江臯欲暮天鴉棲沙際樹人喚渡
頭船病骨羸將折昏眸困欲眠市橋燈火鬧且

復喜豐年

休日登千峯榭遇大風雨氣象甚偉

今日逢休沐憑高且暫閒風聲初捲野雨氣已
吞山疾病臨觴嬾塵埃得句慳西征忽在眼河
勢抱函關

雨中獨坐

馬目山頭雨脚昏龍津橋下浪花翻年豐郡僻
無公事一炷清香晝掩門

舊識姜邦傑於亡友韓无咎許近屢寄詩
來且以无咎平日倡和見示讀之悵然作

此詩附卷末

須溪本作嚴州贈姜梅山

故人玉骨已生苔

謂南澗公

邂逅逢君亦樂哉湖寺

繫舟無夢去京塵馳騎有詩來醉中不敢教兒

誦看處常須浴手開久矣世間無健筆相期力

斡萬鈞回

釣臺見送客罷還舟熟睡至覺度寺

抽身簿書中茲日睡頗足縹緲桐君山可喜忽

在目紛紛衆客散杳杳一筇獨管如脫淵魚今

如走山鹿詩情森欲動茶鼎煎正熟安眠簟八

尺仰看帆十幅逍遙富春飯放浪漁浦宿送老

水雲鄉羹藜勿思肉

泛富春江

雙艣搖江疊鼓催伯符故國喜重來秋山斷處

望漁浦曉日昇時離釣臺官路已悲捐歲月客

食南言彙 七
衣仍悔犯風埃還家正及雞豚社剗伴鄰翁笑
口開

宿漁浦

東歸剗曲只三程旅泊還如萬里行燈影動搖
風不定船聲鞞鞞浪初生曳裾非復白頭事
目那求青史名歸去若爲消算境一蓑煙雨學
春耕

沂小江飯舟中

老作孤舟客秋濤漲小江林昏見飛鱗村近有
驚龍天濶三更月篷低一尺窗魚殮雖草草聊
喜到吾邦

乞祠久未報

聖朝未許領叢祠擁褐清羸不自支鄧禹有靈
應笑拙周公無夢固知衰得閒要及身安日到
死應無睡足時七百日來塵滿抱今朝湔祓有
新詩

七月十日到故山削瓜瀹茗翛然自適

鏡湖清絕勝吳松家占湖山第一峯瓜冷霜刀
開碧玉茶香銅碾破蒼龍壯心自笑老猶在狂
態極知人不容擊壤窮閭歌帝力未妨堯舜亦
親逢

曉興

亂蟬嘒新秋老木立清曉我亦岸綸巾寄傲萬
物表大千藏粒粟浩劫過飛鳥癡子居其間利

欲自纏繞可憐榮進意未向蓋棺了浮名更嚇
鬼白堊寫丹旄我於斯世事看破自少小老矣
更何求歸哉憩林沼

感秋

會稽八月秋始涼梧桐葉落覆井床月明縞樹
遶驚鶻露下溼草啼寒螿丈夫行年過六十日
月雖短志意長匣中寶劍作雷吼神物那得終
摧藏君不見晉時東都宗大尹義感百萬虎與

狼疾危尚念起擊賊大呼過河身已僵

宗汝霖
垂死尚

部勒諸將北伐忽大呼
過河者三隨卽殞絕

秋夜有感

候蟲何唧唧歲晚聲出壁不惟嬾婦驚感此白
頭客壯年事征戍萬里不得息揚颿凌秋濤策
馬赴山驛日照蛟鼉涎雪印豺虎迹誰知七尺
軀幸脫九死厄前年補畿郡入對瞻玉色報恩
無死所再拜衰淚滴卽今故山歸愈歎老境逼

不眠中夜起仰視星歷歷中原何時定銅駝臥
荆棘滅胡恨無人有復不易識

五鼓入城

道旁竹樹露如傾帶睡悠悠十里行曉色未分
煙尚重壓城樓閣已崢嶸

飯罷忽隣父來過戲作

旋炊香稻鬻新菰飯飽逍遙樂有餘茶味森森
畱齒頰香煙馥馥著圖書毛皮尚在寧知我鱗

金南言彙 十 漢古
甲深藏莫問渠賴有鄰翁差耐久雨畦頻喚
攜鉏

秋夜讀書

一雨濯殘熱秋氣忽已深青燈照空廊重露滴
高林危坐讀周易會我平生心夜分徐掩卷閒
弄床上琴簾外初斜河屋頭已橫參人生每如
此利欲安能侵

夜坐忽聞村路報曉鐵牌

何人叩鐵警農耕炊飯家家起五更也似早朝
風雪裏遙聽宮漏下宮城

又

秋氣淒涼霧雨昏老書生病臥孤村五更不用
元戎報片鐵錚錚自過門

白雲自西來過書巢南窗

岷山千里青未了恨隔長江不到吳羈雲冉冉
吾舊識安得挽之來坐隅

贈竹十韻

放翁小築湖西偏
虛窗曲檻無炎天
人間乃有真富貴
遶舍十萬碧玉椽
連林娟娟泫清露
高枝裊裊搖蒼煙
常憂俗客觸新粉
屢戒園丁傷逸鞭
涼生尊筍消午醉
聲撼窗扉驚晝眠
春殘斲土得美茁
氣壓卿相食萬錢
爾來作吏若墮窾
每一夢到心悽然
還家再見却恂怛
塵土何地從臞仙
囊中幸藏餐玉法
欲屏萬事相周旋
更當待月出東嶺
坐石泠泠揮響泉

雜感

自古文章與命仇
功名身外更悠悠
一從識得元無事
窮死逢人不說愁

又

小軒幽檻雨絲絲
種竹移花及此時
客去解衣投臥榻
半醒半醉又成詩

又

少年意氣與春爭
朱彈金鞭處處行
誰信卽今空谷裏
旋租黃犢學躬耕

又

自洗銅壺試玉醅
小軒風月爲徘徊
此心未與年俱老
猶解逢花眼暫開

又

側帽垂鞭小陌東
名花迎笑一枝紅
啼鴛驚斷尋春夢
惆悵新霜點鬢蓬

入城寓榻開元

羸僮倦馬困長堤
借榻禪房日未西
熟睡覺來閒隱几
庭楸陰轉乳鴉啼

夜出偏門還三山

月行南斗邊人歸
西郊路水風吹葛
衣草露溼芒履漁
歌起遠汀鬼火出
破墓淒清醒醉魂
荒怪入詩句到家
夜已半佇立叩蓬
戶穉子猶讀書一
笑慰遲暮

四鼓酒醒起步庭下

酒解夜過半出門步中庭天高河漢白月淡煙
霧青重滴竹杪露疎見樹罅星壞甃啼寒蟹深
竹明孤螢秋晚雖未霜蠹葉時自零四序逝不
畱慨然感頽齡平生茅一把不博帶萬釘鳴溝
謝拍拍鴻路追冥冥

感憤秋夜作

月昏當戶樹突兀風惡滿天雲往來太阿匣藏

不見用孤憤書成空自哀吾輩赤心本貫日管
人白骨今生苔滎河溫洛不可見青海玉關安
在哉

反感憤

明夜讀前作而悲
乃復作此自解

膊膊庭樹雞初鳴噉噉天衢雁南征百年朝露
豈長久萬事浮雲常變更出處有心終有愧聖
賢無命亦無成西疇雖薄可自力雙犢且當祭
雨耕

東竺

著脚紅塵已恨深，便應畢世住山林。貴人自作
宣明面，老子曾聞正始音。議論坐狂當永棄，簿
書緣病復難任。東竺幽寂憑誰画，開幔床橫一
素琴。

雨夜四鼓起坐至明

門巷冷如冰，生涯淡似僧。小窗愁夜雨，孤影怯
秋燈。林鶻棲仍起，山童喚不應。悠然坐待旦，息

倦倚書牕

夜讀兵書

八月風雨夕，千載孫吳書。老病雖憊甚，壯氣頗
有餘。長纓果可請，上馬不躊躇。豈惟麇臯蘭，直
欲封狼居。萬葉久巡狩，兩京盡丘墟。此責在臣
子，憂愧何時攄。南鄭築壇場，隆中顧艸廬。邂逅
未可知，旄頭方掃除。

老嘆

百年逝不留萬事本難料夜行鍾漏迫但取賢
達笑頗疑功名事造物付年少歸休莫問人曉
鏡勤自照

秋霽

灑氣明山川霽色滿天地西風吹我衣忽有萬
里意中原運當平所要在得士餘年猶幾何棄
置復棄置

盆中間急雨

一味疎慵養不才飯蔬亦已罷銜盃衡茆終日
人聲絕臥聽芭蕉報雨來

老病追感壯歲讀書之樂作短歌

少年志力強文史富三冬但喜寒夜永那知睡
味濃庭樹風淅淅城樓鼓鼙自鞭不少貸凍
坐聞晨鐘探義劇攻玉摛文笑雕龍落紙筆縱
橫圍坐書疊重得意自吟諷清悲畚莎蚤飢腸
得一甍美如紫駝峰俯仰五十年干世終不逢

夜半起飯牛頽然成老農束書不更讀蠹簡流
塵封世無袁伯業太息吾何從

閒中戲書

糲飯從來不願餘還山喜遂此心初挽河盡洗
彈冠念閉戶閒讐插架書一榼不妨從客飲數
椽也復是吾廬少游細看猶多事安用人間下
澤車

又

少年拜舞綴庭紳曾見中天日月新金印終歸
妄按尉白頭仍是斥仙人修營香火三生願收
拾風波九死身豈但漁樵與爭席海邊漚鳥亦
相親

又

釣竿風月寄滄洲醉髮髭髭荻葉秋仕進世誰
知我懶功名命不與人謀衰遲更覺歲時速疎
賤空先天下憂病骨未銷讒未已聊須周易著

牀頭

采藥

簣子編成細箬新，獨穿空翠上嶙峋。
丹砂噉際朝暎日，枸杞雲間夜吠人。
絡石菖蒲蒙綠髮，纏松薜荔長蒼鱗。
金貂謁帝我未暇，且作人間千歲身。

過猷講主桑瀆精舍

寂莫衡門傍水開，放翁曳杖此徘徊。
林疎時見釣篷過，風急忽聞菱唱來。
講罷繩床懸塵柄，坐餘童子供茶盃。
解衣許我閒摩腹，又作幽窗夢一回。

自桑瀆泛舟歸三山

端爲身閒覺日長，不嫌兒輩笑清狂。
湖光瀲灩歸舟疾，雨點霏霏醉頰涼。
斷約苔生人喚渡，孤村霜近稻登場。
宦情不獨今年薄，游子從來念故鄉。

訪野人家

山入柴門窄橋通野路長羣童挑燕筍幼婦采
雞桑淳古非今俗畱連到夕陽盤飧敢辭飽滿
箸藥苗香

塞上曲

秋風獵獵漢旗黃曉陌霜清見太行車載擅廬
駝載酒漁陽城裏作重陽

又

將軍許國不懷歸又見桑乾木葉飛要識君王
念征戍新秋已報賜冬衣

又

金鼓轟轟百里聲繡旗寶馬照川明王師仗義
從天下莫道南兵夜斫營

又

老矣猶思萬里行翩然上馬始身輕玉關去路
心如鐵把酒何妨聽渭城

硯湖 并引

余得英石數峯環立其中凹處可容一
龕因以瀦水代硯滴名之曰硯湖且爲

賦詩

羣山環一湖湖水綠溶漾微風掠窗過亦解生
細浪餘流浸翠麓倒影寫青嶂自然出天工豈
復煩巧匠病夫屏盃酌不遣運酒舫時時挹清
泚筆墨助豪宕帖成龍蛇走詩出雷雨壯從今

几硯旁一掃蟾蜍樣

泛湖

筆牀茶竈釣魚竿瀲灩平湖淡淡山浪說枕戈
心萬里此身常在水雲間

寓蓬萊館

桐葉吹殘蕉葉黃驛窗微雨送淒涼長安許史
無平素莫恨棲棲立路旁

又

古驛蕭蕭獨倚闌角聲催晚雨催寒殘年遇合
應無日猶說新豐強自寬

夜還驛舍

樓上蓼蓼初發更斷雲收雨旋成晴市橋新漲
搖燈影驛路殘泥壯履聲闐闐變遷非曩日情
懷牢落感餘生高秋病起猶能醉剗買官醅樂
太平

舟中大醉偶賦長句

過江何敢號高流偶與俗人風馬牛画楫新搖
巖瀨月清尊又醉戴溪秋壯心無復在千里老
氣尚能橫九州古寺試求三丈壁爲君驅筆戰
蛟虬

行飯至新塘夜歸

門前徙倚尚餘霞湖上歸來月滿沙雲溼一聲
新到雁林昏數點後棲鴉淒迷籬落開寒菊鄭
重比隣設夜茶早議挂冠君會否暮年心念不

容差

雲門感舊

總角來遊老未忘
背人歲月去堂堂
穉松看到偃霜蓋
廢寺憶曾開寶坊
佛几古燈寒焰短
齋厨新粟午炊香
興闌未忍登車去
更倚溪橋立夕陽

若耶溪上

微官元不直鱸魚
何況人間足畏途
今日溪頭

慰心處自尋白石養菖蒲

又

九月霜風吹客衣
溪頭紅葉傍人飛
村場酒薄何妨醉
菰正堪烹蟹正肥

秋雨頓寒偶書

羈懷不醉自昏昏
臥對青燈獨掩門
沙雁帶寒來古澤
林鳩催雨暗孤村
數椽蟹舍償初志
九陌塵衣洗舊痕
自歎一生書裏活
算年無力滄

黎元

新晴泛舟至近村偶得雙鯪而歸

秋風一夜老汀蘋。剡曲稽山發興新。青嶂會爲身後塚。扁舟聊作畫中人。園林搖落知寒早。父老逢迎覺意真。歸舍不妨成小醉。眼明細柳貫霜鱗。

上書乞祠輒述鄙懷

干祿本代耕窮達敢自必。早遇高皇帝九品對。

宣室妄懷犬馬心。發緯不暇恤上恩。等天地腰領免斧鑕。旋屬紹興末。暘谷瞻出日。賤臣復何幸。便殿首造膝。煌煌帝堯典。推擇首秉筆。愚忠雖懇款。野性實坦率。飄然去周行。湖海抱沉疾。遠遊客窮塞。亭障秋蕭瑟。聖君終記省。萬里忽棄駟。同朝久凋謝。存者不十一。造廷故抱暗。下殿衰涕溢。蹉跎又十載。憂患豈易述。流年不貸人。白髮日夜密。冠雖未卽挂。馭已不容叱。尚覲

公朝恩養老霑散秩閉門教子孫志願真永畢

泛湖上雲門

三百里湖秋渺然是間可以著釣船浩歌莫過

石帆下爛醉夜泊樵風邊

樵風涇在若耶溪鏡湖之間

茫茫

沙月忽側墮裊裊山氣時孤騫冥鴻遠舉謝斯

世白鷗自放全其天幽棲幸脫市朝械捷徑邗

著功名鞭人生各自適意耳稷禹冀許知誰賢

書歎

世態秦欺楚交情越視秦寧教待毳乳不耐望
車塵書積高圍坐花繁亂插巾那須散人號已
是葛天民

枕上作

寒夜臥林廬蕭然適有餘蟲悲號壞壁燈暗守
殘書養拙天知我安貧老似初雖非漆園吏也
作蝶遽遽

老病無復宦情或者疑焉作此示之

病思蕭條豈獨今十年前已鬢霜侵舊交畧盡
形吊影薄宦宜休口語心老驥已甘當伏櫪窮
猿況是急投林別君徑入亂雲去後日相思何
處尋

拄杖

放翁拄杖具神通蜀棧吳山興未窮昨夜夢中
行萬里蓮華峰上聽松風

北望

北望中原淚滿巾黃旗空想渡河津丈夫窮死
由來事要是江南有此人

歲晚感懷

利名爭奪兩皆非生世寧殊露易晞老冉冉來
誰獨免冢累累處會同歸聽歌莫惜終三疊縱
獵何妨更一圍醉臥日高呼不醒笑人霜曉束
朝衣

大雨中作

北風撼山勢岌岌老夫倚杖檐前立貪看白雨
掠地風飄灑不知衣盡溼當年入朝甫三十十
丈胡塵叩江急屬聞蠟彈遣檄書亟壞布裳縫
袴褶卽今白髮不可數破屋頽垣窘風雨汝生
汝死問者誰人雖不問心自悲

繫舟平水步

舟尾參差野岸橫屐聲穿市得閒行雨昏茆店
炊煙溼人語蓬窗績火明枝上橙香初受摘擔

頭菰脆正堪烹漁樵自是平生意不爲衰遲薄
宦情

初到行在

六十之年又四年也騎瘦馬趨朝天首陽柱下
孰工拙從事督郵俱聖賢筆墨有時閒作戲功
名到底是無緣都城處處園林好不許山翁醉
放顛

還都

平生薄名宦所願得早休奔走三十年鏡中霜
鬢秋歸踏長安道恍然皆舊遊處處見題名始
驚歲月適西湖隔城門放浪輸白鷗當時見種
柳已足繫巨舟挂冠當自決安用從人謀勿以
有限身常供無盡愁

宿監中偶作

流落歸來兩鬢絲此生真媿北山移數殘宮漏
寒無寐開盡梅花病不知同舍破甘醒宿酒故

人折簡索新詩生涯可笑清如許枉是京塵撲

馬時

譚德稱有
簡催和詩

四鼓出嘉會門赴南郊叁宮

客遊梁益半吾生不灰還能見太平初喜夢魂
朝帝所夏驚老眼看都城九重宮闕晨霜冷十
里樓臺落月明白髮蒼顏君勿笑少年慣聽舜
韶聲

題張野夫監簿大招圖

此生只合老漁樵扶病誰令趁早朝開卷未終
三太息羈魂零落恐難招

簡譚德稱監丞

廣都江上送舟行淚灑春風別少城冉冉幾經
新歲律依依猶有舊交情塵冠當挂彈何用革
帶頻移瘦自驚剝欲約公風雨夜一燈相對話
平生

致齋監中夜與同官縱談鬼神效宛陵先

生體

五客圍一爐夜語窮幻怪或誇雷可斫或笑鬼
可賣或陳混沌初或及世界壞或言修羅戰百
萬起睚眦餘談恣搜抉所出雜細大風雲墮皮
積幽坎窺鐵械羣號起古聚孤泣出空解妖狐
冠髑髏掩袂美姿態空轉伏逸囚夜半出竊噉
雖云多聞益頗犯綺語戒不如姑置之投枕休
困憊明當掛祠衣僕僕愁亟拜

夜歸

飲酒不盡觴觀棊不竟局索馬踏街鼓仰視月
挂木疾馳沿河隄不記幾坊曲到家四鄰寂往
往睡已熟天香餘裊裊佛燈猶煜煜中庭雖一
席緩步意亦足寒犬吠荆籬棲鵲起敲竹市聲
從北來始覺非林谷却尋西窗書開卷剪殘燭
官閒居夏遠一笑謝羈束

次韻鄭唐老

宦遊早日闕相聞一面那知乃爾勤秋釣清灘
方入夢曉穿細仗又逢君驟看落筆驚風雨便
擬同舟臥水雲作意歸休還會否算年無力起
斯文

五鼓赴太社臘祭

霜寒裂屋瓦月白射坊門病骨愁看影孤吟怯
斷魂飢鷹掣羈紲老馬伏車轅不奈清宵夢殘
蕪滿故園

己酉元日

夜雨解殘雪朝陽開積陰桃符呵筆寫椒酒過
花斟巷柳搖風早街泥濺馬深行宮放朝賀其
識慕堯心

以亮陰
免賀禮

送潘德久使薊門

崑崙東分一枝渾犇蹴砥柱經龍門羲皇受圖
撫上古神禹治水開中原三靈實扶藝祖業萬
國共仰東都尊羣兒撞壞吁可歎顧使殘虜今

遊魂回君試求出師路孟津白馬應如故不須
更議繫河橋北風正可柰冰渡頗聞盧龍已數
盡復道飛狐合屯戍轅門倘駐拂雲祠烽火應
過明妃墓君歸解鞍藉芳草細談塞北忘予老
讀書飲酒待賊平萬丈旄頭方下掃

我夢

我夢入煙海初日如金鎔赤手騎怒鯨橫身當
渴龍百日京塵中詩料頗闕供此夕復何夕老

狂洗衰慵夢覺坐歎息杳杳三茆鍾車馬動曉
陌不竟睡味濃平生擊虜意裂背髮上衝尚可
藥一障憑堞觀傳烽

晨起有感

痛飲可以豪謝病可以高計之顧不審老與世
俗鑿丈夫本自許四十擁旌旄上馬不回顧賊
穴窮腥臊渭橋耻未雪孰謂弓可索此志竟悠
悠徂歲行滔滔一官客長安燭下束弊袍豈惟

歎龍鍾行恐悲君蒿吾曹議古人後亦觀吾曹
浮雲易變滅公議終堅牢

南省宿直

檐角參差散暮霞重門鎖斷市聲譁風經綠樹
鴉棲穩月入空廊柱影斜藤紙靜臨新獲帖銅
瓶寒浸欲開花誰知今夕幽窗夢又撈扁舟上
若耶

又

頽然靜對北窗燈
識字農夫有髮僧
但遣奚奴持古錦
何須侍史護青綾
塵埃奔走無由息
疾病侵陵不自勝
猶喜眼中多壯觀
時看雲海化鯤鵬

劍南詩彙卷第二十

劔南詩彙目錄

卷第二十一

夜歸埽街巷書事 馬上作 行在春晚
有懷故隱 儀曹直廬 讀書 小昭慶
院講僧舊在都下與之相從今沒已久見
画像於院中作詩吊之 晨入省中偶書
春晚 觀潮 新晴馬上 過六和塔
前江亭小憩 春夕睡覺 送霍監丞出

守盱眙 寄題徐載叔秀才東莊 入省

出省 和周元吉右司過弊居追懷南

鄭相從之作 尤延之侍郎屢求作遂初

堂詩詩未成延之去國因以奉送 送張

野夫寺丞牧滁州 史院書事 病中數

辱曾無逸架閣見問今日忽聞徙居走筆

奉簡因致卜鄰之約 喜楊廷秀祕監再

入館 次韻和楊伯子主簿見贈 簡何

同叔 去國待潮江亭太常徐簿宋卿載

酒來別 醉中作行草數紙 雪夜小酌

即事 到家旬餘意味甚適戲書 雨

後復小雪 鯉魚行 雪夜作 晨起

野饋 醉中浩歌罷戲書 朝雨 春雨

二首 記夢 野興 二首 杭湖夜歸 二首 或

問余近况示以長句 估客有自蔡州來

者感悵彌日 二首 初夏郊行 重午 夏

曰 睡起見楊花滿庭偶書 梅雨 醉

歌 醉書秦望山石壁 秋夜 夜意

蝸廬 予十年間兩坐斥臯雖擢髮莫數

而詩為晉謂之嘲詠風月既還山遂以風

月名小軒且作絕句首二 題梅漢卿醉經

堂 得親舊書問近況以詩代書報之

放逐 月下野步 自詠 午睡起遇急

雨 夜雨暴至 睡起作帖數行 新秋

秋興首二 幽居 山居食每不肉戲作

自笑 世上 夜歸偶懷故人獨孤景

畧 秋夜自近村歸 夜聞蟋蟀 秋夜

風雨暴至 月下小酌 鄰曲有未飯被

追入郭者憫然有作 吾廬 飲酒望西

山戲詠 小院 發篋得故人書有感

秋光 晚秋風雨 幽居首二 故山首四

秋晚弊廬小葺一室過冬欣然有作 小

室晚酌 冬晚山房書事二首 村居日飲

酒對梅花醉則擁紙衾熟睡甚自適也

山居疊韻 寓歎三首

劍南詩彙目錄

卷二十一
一終

劍南詩彙卷第二十一

夜歸博街巷書事

近坊燈火如晝明十里東風吹市聲遠坊寂寂
門盡閉只有煙月無人行誰家小樓歌惱儂餘
響縹緲縈簾櫳苦心自古乏真賞此恨略與吾
曹同歸來空坐臥淒冷燈前病骨巉巉影獨吟
古調遣誰聽聊與梅花分夜永

馬上作

三十年前客帝城城南結騎盡豪英湖山冷落
悲陳迹文字流傳付後生衰老更禁新臥病塵
埃時拂舊題名馬頭風捲飛花過又得殘春一
日晴

行在春晚有懷故隱

老辱明時乞一官逢春惆悵獨無歡舊人零落
北音少市肆蕭疎民力殫歸計已栽千箇竹殘
年合挂兩梁冠石帆山路頻回首箭茁蓴絲正

滿槃

儀曹直廬

春晚氣始和微雲淡朝陽開軒面小庭露漬薔
薇香遊絲卷欲盡忽復百尺長而我正遺事枕
藉書一牀讒波雖稽天未遽妨人狂惟當傾綠
酒莫待熟黃梁

讀書

兩兩星躔九九車天津笑我醉騎驢床頭正可

著周易架上何妨抽漢書幸有古人同臭味不
嫌兒子似迂疎頽然白髮雖堪鄙耐事禁愁却
有餘

小昭慶院講僧舊在都下與之相從今沒
已久見画像於院中作詩吊之

曩歲曾陪夜講燈伏犀插腦齒如冰假令重見
應難識遺像癯然一老僧

晨入省中偶書

清風拂画簾初日照素壁花枝蝶小憩草葉露
時滴房櫳闌無人溝水聲激激摩挲語枯筇伴
我住幽寂

春晚

今年病過春得健春欲盡夏堪風雨橫紅溼棲
綠潤一笑本自難造物復爾各榆莢堆平堦柳
絮飛作陣塵埃生破榼霜雪滿衰鬢平生慕陶
謝著語終不近

觀潮 送劉監至江上作

江平無風面如鏡日午樓船帆影正忽看千尺
涌濤頭頗動老子乘桴興濤頭洶洶雷山傾江
流却作鏡面平向來壯觀雖一快不如帆映青
山行嗟余往來不知數慣見買符官發渡雲根
小築幸可歸勿為浮名老行路

新晴馬上

一劍飄然萬里身白頭也復走京塵画樓酒旆

滴殘雨綠樹鶯聲催暮春絕塞勒回勲業夢流
年換盡市朝人此生安得常強健小艇湘湖自

采蓴 湘湖在蕭山縣

過六和塔前江亭小憩

斷岸孤亭日暮時欄邊聊試葛巾欹偶觀挂席
乘潮快便覺懸車納祿遲痛飲相如無奈渴清
言叔寶不勝羸年來親友凋零盡惟有江山是
舊知

春夕睡覺

破衫羸馬老黃塵人自衰遲歲自新積雨恐侵
春甲子昏燈嬾守夜唐申花枝影轉欹殘月鼻
鼾聲豪撼四鄰自笑功名猶有夢散關金鼓震
函秦

送霍監丞出守盱眙

淮浦鱗鱗浸碧天卽今誰料作窮邊空聞甌脫
嘶胡馬不見浮屠插霽煙亭障久安無檄到盃

觴頻舉有詩傳長城萬里英雄事應笑窮儒飽
晝眠

寄題徐載叔秀才東莊

東莊乃藏書之所

次公醒狂何必酒直諒多聞俱可友萬籥插架
號東莊多稼連雲亦何有今年偶入長安城不
識貴人呼作卿南臺中丞埽榻見北門學士倒
屣迎郎官酸寒誰肯顧君來下馬談至莫東莊
雖富未可矜夏要縱橫開武庫

入省

點點輕花墮綠盃翩翩羸馬犯黃埃眼邊好句
等閒過夢裏故人時一來玉塞請行狂故在霜
髭自照老相催今朝涼冷文書少隱几南窗聽
轉雷

出省

五更束帶聽朝雞出省還家日已西酒市雨餘
青旆重河橋風爽紫驪嘶久慙旅飯糜倉粟常

憶新橙擣膾壘萬事似棋聊爾耳年來著數不
勝低

和周元吉右司過弊居追懷南鄭相從之
作

梁益東西六十州大行臺出北防秋閱兵金鼓
震河渭縱獵狐兔平山丘露布捷書天上去軍
諮祭酒幄中謀豈知今日詩來處日落風生蘆
荻洲

尤延之侍郎屢求作遂初堂詩詩未成延之去國因以奉送

印何纍纍綬若若只堪人看公何樂忽然捩柂
開布颿慰滿平生一丘壑遂初築堂今幾時年
年說歸真得歸異書名刻堆滿屋欠伸欲起遭
書圍捨之出遊公豈誤綠髮朱顏已非故請將
勲業付諸郎身踐當年遂初賦

送張野夫寺丞牧滁州

皇天方憂九州裂建隆真人仗黃鉞陣雲冷壓
清流關賊壘咿嚶氣如髮逋誅猾虜入檻車北
風吹乾草頭血一龍上天三百年舊事空聞遺
老說金印斗大誰作州公子玉面蒼髯虬賦詩
健筆挾風雨論兵辯舌森戈矛別君帳飲灞橋
頭長歌爲君寬旅愁戰場遺迹儻可畫尺素寄
我關河秋

史院書事

是日丞相過局

信史新修稿滿床牙籤黃帕帶芸香中人馳賜
初宣旨丞相傳呼早出堂皇祖聖謨高萬古諸
賢直筆擅三長孤臣曾趣龍墀對白首爲郎只

自傷

紹興辛巳嘗蒙恩賜
對今三十九年矣

病中數辱曾無逸架閣見問今日忽聞徙
居走筆奉簡因致卜鄰之約

病羸不辦攬衣迎剝啄空慙扣戶聲凡藥豈能
驅二豎清心幸足制三彭巷南僦屋儻可問歲
晚囊衣吾亦行不爲朝天愁路澀夜窗燈火要
尋盟

喜楊廷秀祕監再入館

公去蓬山輕公歸蓬山重錦囊三千篇字字律
呂中文章實公器當與天下共吾嘗評其妙如
龍馬受鞿燕許亦有名此事恐未夢嗚呼大厦
傾孰可任梁棟願公力起之千載傳正統時時
醉黃封高詠追屈宋我如老蒼鶻寂莫愁獨弄

劍南詩集 八
杖屨勤來遊雪霽梅欲動

次韻和楊伯子主簿見贈

齋戒叩頭牋天公幸矣使我爲枯蓬枯蓬於世
百無用始得曠快棄秋風此生安往失貧賤白
髮蕭蕭對黃卷今人雖鄰有不覲古人却向書
中見爰啼月落青山空舊隱夢寂息東蒙不願
峨冠赤墀下且可短劔紅塵中終年無人問良
苦眼望青天惟自許可憐對酒不敢豪它日空

澆墳上土文章最忌百家衣火龍黼黻世不知
誰能養氣塞天地吐出自足成虹蜺渡江諸賢
骨已朽老夫亦將正丘首杜郎苦瘦帽擲耳程
子久貧衣露肘君復作意尋齊盟豈知衰懦畏
後生大篇一讀我起立喜君得法從家庭鯤鵬
自有天池著誰謂太狂須束縛大用君已
傳那遣老夫安注脚

杜興伯高程有徽文若皆
近以詩文得名於諸公而

尤與
予善

簡何同叔

白髮都門客青燈夜雪時
盡捐塵世事細看月
湖詩格律冰霜敵襟懷
猿鶴知吾儕端後死此
事要深期

去國待潮江亭太常徐簿宋卿載酒來別

昨解魚符已徑歸偶隨尺一起柴扉暫畱已媿
黔吾突久住空令緇客衣外物紛紛何足問故
人眷眷莫相違從今再見應無日長與沙鷗共

釣磯

醉中作行草數紙

還家痛飲洗塵土醉帖淋漓寄豪舉石池墨瀋
如海寬玄雲下垂黑蛟舞太陰鬼神挾風雨夜
半馬陵飛萬弩堂堂筆陣從天下氣壓唐人折
釵股丈夫本意陋千古殘虜何足膏礎斧驛書
馳報兒單于直用毛錐驚殺汝

雪夜小酌

黃昏雲齊雪意熟二夏雪急聲簌簌地爐對火
得奇溫兔醢魚鱗窮旨蓄引盃且作稿面紅脫
帽不管衰鬢禿浩歌三終徐自和藏書萬卷方
盡讀從來本不擇死生況復區區論禍福雪晴
著屐可登山與子一放千里目

卽事

墜壁編茅養病翁五更擁褐聽霜風老雞棲冷
啼偏早宿火灰深撥更紅知我向來惟斷簡會

心終竟在孤蓬東歸已賣腰間劔魯叟從今不
諱窮

到家旬餘意味甚適戲書

天恐紅塵著脚深不教經歲去山林欲鬪清淨
三生願先洗功名萬里心石鼎颺颺閒煮茗玉
徽零落自修琴晚來剝有華胥興臥看西窗一
炷沉

雨後復小雪

雨雪來無已冬春忽欲交賤貧安淡薄老鈍耐
譏嘲村酒兒能取農書手自鈔算年真箇懶屋
漏旋添茆

鯉魚行

鯉魚財三尺淺水不覆脊雖懷江湖樂已歎刀
几赤長鯨之長幾千丈雪蹴山傾萬重浪縱遊
不厭滄海寬一躍已在青天上身世局促古所
哀噉喁貪餌胡爲哉人間溝瀆莫更顧夜半變

化蔡風雷

雪夜作

雪重從壓竹竹折有奇聲雪深亦莫埽小窗終
夜明我老尚耐冷開卷對短檠龍茶與羔酒得
失不足評但思被重鎧夜入蔡州城君勿輕癯
儒有志事竟成

晨起

倦枕廉纖雨幽窗料峭寒溪柴旋篝火野蔌鬪

登槃年老衣冠古身閔宇宙寬兒孫生我笑趨

揖已儒酸

鄉市小把柴謂之溪柴蓋自若耶來也

野饋

經年倉粟厭陳陳天遣香杭饋野人黃耳輩生
齋鉢富白頭韭出客盤新此生不復營三釜一
飽何曾羨八珍尚媿古來高士在盃羹無糝甑
生塵

醉中浩歌罷戲書

造物小兒如我何還家依舊一漁蓑穿雲逸響
蘇門嘯卷地悲風易水歌老眼閱人真爛熟壯
心得酒旋消磨傍觀虛作窮愁想點檢霜髯却
未多

朝雨

中夜星照泥平旦雲行西小屋古澤中天昏雨
淒淒避溼升我堂垂翅閔老雞所欣園中蔬冒
土青滿畦門無今雨客路滑愁長堤一盃且復

睡物理何足齊

春雨

苦雨何時止微雲又作陰。傍簷時小立隱几復
微吟。枝重殘紅濕隄平漲綠。深物華元自好老
病負登臨。

又

春愁無處避。春雨幾時晴。黯黯陰連月。蕭蕭滴
到明。窗昏減書課。弦緩咽琴聲。何以娛幽獨。新

醅手自傾

記夢

夢裡都忘兩鬢殘。恍然白紵入長安。硯教紙熟
修溫卷。僦得驢騎候。熱官紅葉滿街秋。著句青
樓燒燭夜。追歡如今萬事消除盡。老眼摩挲靜
處看。

野興

紅飯青蔬美。莫加鄰翁能。共一甌茶舍。西日緊

初有詩藁

卷之廿一

及古詞

花房歛港北風生柳脚斜筇杖不妨閒有伴茆
簷終勝老無家自驚七十猶強健采藥歸來見
算鴉

又

鬢邊莫笑久星星造物常鍾我輩情每帶餘醒
蹋花影又和殘夢聽鶯聲軒窗風過書籤亂洲
渚潮生釣艇橫韓子未除豪氣在文章都待不
平鳴

杭州夜歸

管如架上九秋鷹今似窗間十月蠅無復橐鞬
息出塞不妨粥飯略同僧白蘋洲晚初回櫂綠
樹村深已上燈莫謂陶詩恨枯槁細看字字可
銘膺

又

野艇迢迢信所之歸來常及欲昏時陂塘煙重
怨姑惡林薄月明悲子規出谷寺鐘初縹緲穿

籬績火已參差欣然笑向鷹門說又了浮生一
晉詩

或問余近況示以長句

天亦知予嬾是真算年乞與自由身幽尋東浦
鷺迎櫂獨臥北窗鸞喚人野卉滿頭狂取醉草
廬容膝樂忘貧死時是處堪藏骨不用要離夏
作鄰

估客有自蔡州來者感悵彌日

洮河馬死劒鋒摧綠髮成絲每自哀幾歲中原
消息斷喜聞人自蔡州來

又

百戰元和取蔡州如今胡馬飲淮流和親自古
非長策誰與朝家共此憂

初夏郊行

小硯孤吟恐作愁長堤曳杖且閒遊破雲山踴
千螺翠經雨波涵一鏡秋
穬救青紅村步市闌

干高下寺家樓去年此日君知否十丈京塵沒
馬頭

重午

葉底榴花感絳繒街頭初賣苑池冰

會稽不藏
冰賣者皆

自行
在來

世間各自有時節蕭艾著冠稱道陵

夏日

赤日黃塵襍穢忙放翁湖上獨相參竹梢露滴
驚殘夢荷蓋風翻送早涼暑用酒逃猶有待熱

憑靜勝更無方空齋一榻翛然臥閒看衣篝起
篆香

睡起見楊花滿庭偶書

斷香裊裊傍窗紗睡起瞢騰日未斜堪歎一春
風雨惡今年四月見楊花

梅雨

沐罷斜簪二十冠斷雲殘靄暗江干絲絲梅子
熟時雨漠漠楝花開後寒剝采芸香辟書蠹旋

春麥麩續家餐日長倦曉惟息閉茗椀真須抵
死寬

醉歌

讀書三萬卷仕宦皆束閣學劔四十年虜血未
染鏢不得爲長虹萬丈掃寥廓又不爲疾風六
月送飛電戰馬歿槽櫪公卿守和約窮邊指淮
淝異域視京雒於乎此何心有酒吾忍酌平生
爲衣食歛版靴兩腳心雖了是非口不給唯諾
如今老且病鬢禿牙齒落仰天少吐氣餓死實
差樂壯心埋不朽千載猶可作

醉書秦望山石壁

秋雨初霽開長空夜天無雲吐白虹擘波浴海
出日月破山卷地驅雷風崑崙黃流瀉浩浩太
華巨掌摩穹穹平生所懷正如此拜賜虛皇稱
放翁放翁七十飲千鍾耳目未廢頭未童向來
楚漢何足道真覺萬古無英雄行窮禹迹亦安

往聊借曠快洗我曾濤瀾屢犯蛟鱔怒澗谷或
與精靈逢黃金鑄就決河塞俘獻頡利長安宮
不如醉筆掃青嶂入石一寸豪健驚天公

秋夜

藥餌扶衰疾琴書返故園陶公方止酒樂令且
清言煙鳥宿沙際露螢明草根塵囂不到處此
意與誰論

夜意

孤夢初回夜氣清世塵掃盡覺心平月沉洲渚
漁歌遠人語比隣續火明獨汲寒泉鳴細縷靜
聽漏鼓下高城悠然坐待東方白却看軒窗淡
日生

蝸廬

小葺蝸廬便著家槿籬莎徑任欹斜爲生草草
僧行脚到處悠悠客泛槎孤蝶惜衣晴曝粉穉
蜂貪蜜晚爭花有書嬾讀吾堪愧睡起何妨自

磴茶

予十年間兩坐斥臯雖擢髮莫數而詩爲
晉謂之嘲詠風月旣還山遂以風月名小
軒且作絕句

扁舟又向鏡中行小草清詩取次成放逐尙非
餘子比清風明月入臺評

又

綠蔬丹果薦瓢尊身寄城南禹會村連坐頻年

到風月固應無客叩吾門

題梅漢卿醉經堂

它人爛醉錦瑟傍君獨醉心編簡香沉酣骨髓
春盎盎如枕麴蘖羅盃觴三萬牙籤插高架五
千黃卷撐枯腸信哉名教有樂地白首不入無
功鄉

得親舊書問近況以詩代書報之

溪頭日日弄潺湲敢料餘生竟得全白簡免勞

金匱詩集 卷之十一
中執法青銅罷筭小行年花前一笑頻開口林
下深藏永息肩欲養金丹還嬾去身今已是地
行仙

放逐

放逐雖慙處士高笑譚未減少年豪青山隨處
有三窟白首今年無二毛正得筇枝爲老伴盡
將書帙付兒曹飲酣自足稱名士安用辛勤讀
楚騷

月下野步

空中磊落斗跨天道旁荒寒月滿川行歌驚起
鷗鷺眠三萬里在拄杖邊敲門索酒太華前飛
渡黃河不須船袖中短鐵青蜿蜒管曾巴丘從
老僊削平巖崖抉雲煙此妙可得不可傳雷聲
殷殷電煜然已覺遼碣無腥羶雪花如席登初
連歸來却看東封年

自詠

孤艇渺煙波衡門暗薜蘿衣冠醉學究世有醉學究圖
 毛骨病維摩撫几時長喟臨觴亦浩歌無勞問
 蝸角蠻觸正橫戈

午睡起遇急雨

揩眼捫髯破晝眠闌邊小立獨幽然
 敲花雨打無飛蝶高柳風驚有墮蟬
 才畧本居元子下功名那計祖生先
 今朝會意君知否目送飛雲揮五絃

夜雨暴至

堂中虛窗雨氣入堂前
 敲竹雨聲急山童束縵走求火
 屋漏惟愁打書溼秋風擺種九千頃自鏡
湖北際海墾地凡九千頃皆吾鄉上腴也
 此夕真成傾玉粒蹋歌作社約比隣一飽今年可平揖

睡起作帖數行

睡餘得清風起坐傍書几日長誰晤言
 賴此管城子欣然笑游戲一笑我忘爾
 羣鴻偶下集但

怪驚不起古來翰墨事著意更可鄙跌宕三十年一日造此理不知筆在手而況字落紙三叫投紗巾作歌識吾喜

新秋

短鬢蕭蕭失舊青此身已看作郵亭新秋無限淒涼意盡付風蟬與露螢

秋興

去秋尚十日軒窗夕已涼露草黏溼螢壞壁啼

寒蠶丈夫志四海臨書慨以慷白髮忽如此惟有歸耕桑藥餌且枝梧鄰曲相扶將豈無甕中酒老病不能觴南山有歸處歲晚柏已行下從吾親游此事歲月長

又

無食苦日長無衣念秋近雖云老農圃未害樂堯舜士生要弘毅病在墮驕吝得喪纔幾何哀哉以身徇平生最耐事霜雪亦滿鬢憂患一洗

空吾道其少進

幽居

幽居人迹稀柴扉晝常掩小池清見底疎雨時
數點。蟬嘒秋未衰花房算先斂老大固多傷年
華還冉冉

山居食每不肉戲作

谿友畱魚不忍烹直將蔬糲送餘生二升畚粟
香炊飯一把畦菘淡煮羹莫笑開單成淨供也

能捫腹作徐行秋來更有堪誇處日傍東籬拾
落英

自笑

諸公衮衮幾金貂自笑無材負聖朝老氣醉中
猶跌宕閒身夢裏亦逍遙舊書曰伴吾兒讀薄
飯時從野叟招病後秋衣須早製竹窗殘夜雨
蕭蕭

世上

初有詩集

卷之廿一

及古月

世上悠悠東逝波金丹將奈鬢絲何
牆頭楊柳知秋早窗外芭蕉受雨多
伏櫪自應如老驥還鄉元欲借明駝
吾碁一局千年事從使旁觀爛
斧柯

夜歸偶懷故人獨孤景略

買醉村場半夜歸西山落月照柴扉
劉琨死後無奇士獨聽荒雞淚滿衣

秋夜自近村歸

江頭浩歌天宇寬刺船歸來清夜闌
女貞林黑月未上姑惡聲悲村已寒
不恨故交日零落本知浮生難控搏
頭童面槁更安往莫問傍人君
自看

夜聞蟋蟀

布穀布穀解勸耕蟋蟀蟋蟀能促織
州符縣帖無已時勸耕促織知何益
安得生世當成周一家百畝長無愁
綠桑鬱鬱暗微徑黃犢叱叱行

平疇荆扉績火明煜煜黍隴饁飯香浮浮耕亦
不須勸織亦不須促機上有餘布盎中有餘粟
老翁白首如小兒鼓腹擊壤相從嬉

秋夜風雨暴至

風聲掠野來湏洞如翻濤雨聲集庭木桐葉聲
最豪殘暑一洗空凜然念綈袍秋穀已登場欲
忘終歲勞東舍捉鵝鴨西舍烹豚羔籬落開寒
花房櫳壓小槽貧賤何所歎樂歲成吾高却拾

牆角檠拂拭賀汝遭

月下小酌

草樹已秋聲郊原喜晚晴風生雲盡散天濶月
徐行下箸槎頭美傳盃甕面清追歡猶可勉徂
歲不須驚

鄰曲有未飯被追入郭者憫然有作

春得香杭摘綠葵縣符急急不容炊君王日御
金華殿誰誦周家七月詩

吾廬

吾廬鏡湖上。傍水開雲扃。秋淺葉未丹。日落山
夏青。孤鶴從西來。長鳴掠沙汀。亦知常苦飢。未
忍吞羶腥。我食雖不肉。七箸窮芳馨。幽窗燈火
冷。濁酒倒殘瓶。

飲酒望西山戲詠

太白十詩九言酒。醉翁無詩不說山。若耶老農
識幾字也。與二事日相關。

小院

小院回廊夕。照明放翁宴。坐一筇。橫銅匳。暖徹
香初過。鐵杵聲清藥欲成。世事熟看無一可。古
人不作與誰評。新涼社酒家家熟。便用陽狂了
此生。

發篋得故人書有感

衰鬢星星換舊青。世間萬事但堪驚。晨炊欲熟
客未覺。夜漏漸殘人尚行。花發且爲無事飲。詩

成非復不平鳴京華朋舊凋零盡忽見緘題似
隔生

秋光

年年最愛秋光好病起逢秋合賦詩
散菊漸黃人醉後孤燈初暗雨來時
舊書細讀猶多味老態相尋似有期
早信爲農勝覓祿一生虛作虎頭癡

晚秋風雨

儘道漁村陋秋來物色奇寒生沽酒興
雨及種花時狂舞欲誰屬清吟空自知
茫茫宇宙內吾道竟何之

幽居

白髮蕭蕭僅到肩一枝藤杖日翩躚
草苫牆北棲雞屋泥補橋西放鴨船
心似枯葵空向日身如病櫟孰知年
放懷却有翛然處不養金丹不學禪

又

面面秋山擁翠屏
天畱三畝著雲扃
迎霜南阜楓林赤
飽雨西村菜甲青
散策人驚衰後健
浩歌自覺醉中醒
凌煙冠劔應無爾
布帽羣襦老管寧

故山

功名莫苦怨天慳
一櫂歸來到死閒
傍水無家無好竹
卷簾是處是青山
滿籃箭茁瑤簪白
壓

潮還

鏡湖

又

擔稜梅鶴頂殷野
興盡時尤可樂
小江煙雨趁
禹祠行樂盛
年年繡轂爭先
罨画船十里煙波
明月夜萬人歌
吹早鸞天花如上
苑常成市酒似
新豐不直錢
老子未須悲
白髮黃公壚下且
閒眠

禹祠

又

初月詩

卷之廿一

及古月

老尉鴻飛隱市門千年猶有舊巢痕陸生於此

寓棋局

予二十年
前嘗寓居

曾丈時來開酒樽

曾丈謂
文清公渺

渺帆檣遙見海冥冥蒲葦不知村數僧也復投

詩社零落今無一二存

梅山

又

落磻泉奔舞玉虹護丹松老臥蒼龍霜柑籬角

寒初熟野碓雲邊夜自舂挈榼人沽村市酒打

包僧趁寺樓鐘幽尋自是年來懶枉道山靈不

見容

雲門

秋晚弊廬小葺一室過冬欣然有作

放翁畢竟合躬耕剡喜東歸樂太平碧瓦新霜

寒尚薄明窗嫩日雨初晴素琴尋得無弦曲野

餉烹成不糝羹更說市朝癡太絕一湖秋水濯

塵纓

小室晚酌

病不禁寒怯早霜東叅隨事具盃觴清時寬大

何妨醉白首龍鍾未減狂
枝葉扶檠山果熟鹽醯調
適野蔬香興闌徑覓華胥
路枕藉圖書滿一床

冬晚山房書事

山澤何妨老太平巉巉骨
相本來清月明滿地看梅
影露下隔溪聞鶴聲未辨
藥苗逢客問欲酬琴價約
僧評胡奴仁祖今俱絕且
學湘纍拾菊英

又

屏迹山村病日增烏皮几
穩得閒凭凍雲傷水封梅
萼嫩日烘窗釋硯冰歲盡
光陰饒袞袞身閒醉夢且
騰騰蠻童采藥歸來晚客
至從嗔喚不應

村居日飲酒對梅花醉則
擁紙衾熟睡甚自適也

江村歲晚掩柴荆地僻久
無車馬聲孤寂惟尋

麴道士一寒仍賴楮先生醉頭珠滴愁先破帳
底春回夢易成莫笑衰翁殺風景小瓶梅藥解
卿卿

山居疊韻

禽吟陰森林鹿伏樸檉木嗚呼吾徒愚僕僕逐
肉粟聯翩憐鳶肩覆餽速戮辱難還山間獨
欲足畜牧躋梯棲西谿築屋宿北谷光芒常當
藏積玉觸俗目

寓歎

心已忘斯世天猶活此翁嫩湯茶乳白軟火地
爐紅課婢耘蔬甲呼兒下釣筒生涯君勿笑聊
足慰塗窮

又

久矣門無客高叅獨掩扉敢言消壯志要是息
危機清露夜自滴孤雲寒不歸晨炊勿關念更
典篋中衣

又

裘薄便冬暝
簟空畏午飢
臨成乞米帖
看入借車詩
學古心猶壯
憂時語自悲
公卿闕自重
社稷欲誰期

劍南詩藁卷第二十一

劔南詩彙目錄

卷第二十二

贈惟了侍者

二首

題湖邊旗亭

醉臥道

邊覺而有賦

寓懷

四首

喜事

甜羹

縱筆

四首

自嘲解嘲

二首

春雨絕句

六首

雨中臥病有感

舟中作

山園

聞虜

亂題千秋觀懷賀亭

禹祠

樊江

東關

二首

練塘

娥江市

宿野人家

國家圖書館 NATIONAL CENTRAL LIBRARY, TAIWAN, R.O.C.



舟中遣懷 歸次樊江 夜過魯墟 有

感 遊石帆玉笥石旗諸山 信步近村

寒食省九里大墓 平水道中 五雲

橋 小雨雲門溪上 雲門獨坐 泛湖

至東涇首三 舟過梅塢胡氏居愛其幽邃

為賦一詩 北窗 聞蛙 晚春感事首四

山居 四月三日同子坦子聿遊湖中

諸山 梅仙塢小隱 盟雲 示兒 村

居初夏首五 城東逆旅 江村初夏 舟

中作 東關首二 少微山 舟行至織女

潭 書歎 小園獨立 觀蘇滄浪草書

絹圖歌 睡起書觸目 曉雨初霽 夏

雨 自東涇度小嶺聞有地可卜菴喜而

有賦 露坐 自笑 夜賦 書懷 醉

後作小草因成長句 雨中作 詠史

登鵝鼻山至絕頂訪秦刻石且北望大海

山路危甚人迹所罕至也 六七月之交

山中涼甚 幽居首三 園中雜詠首三 夏

雨 夏夜首二 予所居南竝鏡湖北則陂

澤重複抵海小舟縱所之或日日乃歸

王給事餉王友 晚興 村圃

劍南詩彙目錄

卷廿二終

劍南詩彙卷第二十二

贈惟了侍者

水邊剝啄打門誰滿袖清風一紙詩驚起放翁

蝴蝶夢半窗寒日欲斜時

又

雪中僵臥不須悲徹骨清寒始解詩一等人間

閒草木月窗君看早梅枝

題湖邊旗亭

春色初回杜若洲。佳人又典鷓鴣裘。八千里外
狂漁父。五百年前舊酒樓。渡口遠山顰翠黛。天
邊新月挂瓊鉤。回頭笑向紅塵說。也有閒愁到
此不。

醉臥道邊覺而有賦

太華五千仞。天台四萬丈。一枝古藤如黑龍。天
遣飄然寄閒放。莫怪公卿不我知。我目不知渠
是誰。史書弄筆後來事。繡鞍寶帶聊兒嬉。旗亭
爛醉官道臥。醒後無人數吾過。世間恩怨一時
空。且免它年送臨賀。

寓懷

脫粟未爲飢。短褐未爲寒。衆毀心自可。身困氣
愈完。茆屋雖三間。跌坐則已寬。濁酒不滿瓢。浩
歌有餘歡。祿食妻子樂。功名後人看。成敗兩蝸
角。貴賤一鼠肝。茫茫百年夢。底物堪控搏。不如
學餐霞。駐此雙頰丹。行披終南雲。飛渡黃河湍。

巋然過空城人言古長安霜露蒙荆榛喟然增
永歎

又

蒼壁與黃琮初非俗所貴粲然薦繅藉可對越
天地我豈賣餅兒自銜三家市持槃叫道邊雖
售無乃媿文章等卜祝王公以儒戲書成藏名
山此是千載事

又

我筭浮滄溟浩渺難具論華夷漭不辨日月互
吐吞神龍忽上騰尾鬣風霆犇積浪自生火烈
焰焚乾坤笑謂同舟子世豈無鵬鯤聊持豪逸
氣壓汝破碎魂

又

鮑魚載沙丘鹿馬獻阿房泗上老亭長仿佯起
東方干戈暗寓縣黥徒化侯王富貴誠可慕菹
醢亦足當青門獨無恙種瓜亦何傷後有阮嗣

宗絕識未易量楚漢真豎子孰謂斯人狂

喜事

武夷老子雪垂肩喜事何曾減少年鸚鵡螺溪
翻細浪辟邪爐暖起微煙幽花滴露霑紗帽亂
絮憑風撲画舫虎豹九關君勿歎未妨一笑住
壺天

甜羹

菘蘆服山藥芋作羹

山厨薪桂軟炊秔旋洗香蔬手自烹從此八珍

俱避舍天蘇陀味屬甜羹

縱筆

文叔一人知此翁洛陽城裏又春風讓他綠髮
好年少二十四歲作三公

又

一紙除書到海邊紫皇賜號武夷仙功名敢道
渾無意暫作閒人五百年

又

劍南詩集 四
背上嵯峨兩肉山。明馳有債自須還。玉霄峰頭
雪。也鹿清曉一聲煙雨間。

又

素月徘徊牛斗間。天風吹鶴度函關。一年似此
佳時少。喚起陳搏醉華山。

自嘲解嘲

世變真難料。吾癡只自嘲。移山謀畚土。黏日欲
煎膠。得句題修竹。烹茶拾墮巢。行年不須筭。斷

是死衡茆

又

種稻稽山下。誅茆剡曲傍。鳴雞耐昏旦。飛燕異
炎涼。古劔寒三尺。殘書亂一床。穹穹與厚厚。能
識我非狂。

· 春雨絕句

恰喜西窗晚。照明虛簷。又報雨來聲。端憂不用
占龜兆。壞盡花時。自解晴。

又

千點猩紅蜀海棠誰憐雨裏作啼粧殺風景處
君知否正伴鄰翁救麥忙

又

天公似欲敗蠶麤雨冒南山算不收駮女癡兒
那念此貪看科斗滿清溝

又

今年春半不知春飛電犇雷嚇殺人縫得春衫

元未著免教惆悵洛陽塵

又

梅中最晚是緗梅一日來看欲百回俗紫凡紅
終避舍不妨自向雨中開

又

蕭條冬令侵春晚淅瀝寒聲滴夜長更事老翁
頑到底每言宜睡好燒香

雨中臥病有感

病臥窮山白髮新不堪風雨過中春歌呼空倚
一尊酒零落漸無吾輩人千載詩書成長物兩
京宮闕委胡塵非熊老子不復見誰吊遺魂清
渭濱

舟中作

不遷比景成交河三徑歸來得已多應俗愈疎
身老大讀書漸廢意蹉跎閒從孫叟蘇門嘯醉
和荆卿易水歌歌罷却揮孤櫂去石闌干下買

漁蓑

石闌干在
剡谿道中

山園

買得新園近釣磯旋營茆棟設柴扉山經宿雨
修容出花倚和風作態飛世事只成驚老眼酒
徒頻約典春衣狂吟爛醉君無笑十丈愁城要
解圍

聞虜亂

運數羣胡盡煙塵北道昏百年身易老萬里志

空存楊柳搖馳道櫻桃奉寢園南公忠義薄此
恨與誰論

題千秋觀懷賀亭

河湟使典珥左貂曲江相君謝不朝宮中玉環
狐作妖黠虜旁窺心已驕天維欲絕地軸搖有
識凜凜憂宗祧賀公託言師松喬黃冠徑歸侶
漁樵老馬立仗不自聊去如鸞鳳冲煙霄傾都
祖餞擁渭橋賢哉大夫脫塵囂揚州渡江木蘭
橈入東夜聽錢塘潮我來故祠竹蕭蕭黃冠野
服傳生綃詞卑媿匪英瓊瑤空采蘋藻奠桂椒
虛堂斷香閉寂寥遺魂零落何由招

禹祠

我管下三峽南賓繫歸艫渡江謁神禹拜手薦
俎壺壽藤枝如虬巨柏腹若剗門庭雖日荒殿
寢猶枝梧巴俗喜禱祠解牛舞羣巫巍巍蔽冕
古食與夷鬼俱聖度固兼容臣憤獨不攄還鄉

瞻廟貌羸政久已除。嶽牧儼如生。想像聞都俞。
廓清雖可喜。欲退復躊躇。念管平水土。綦布畫
九區。豈知千歲後。戎羯居中都。老虜失大刑。今
復傳其雛。直令挽天河。未濯腥羶汙。夷鬼細事
耳。披攘直須臾。天下讎不復。大耻何時祛。蚩蚩
謂固然。此責在吾徒。揮涕灑庭草。誰憐小臣愚。

樊江

手中一卷養魚經。又向樊江上草亭。朝雨染成

新漲綠。春煙澹盡遠山青。榜舟不厭頻來往。岸
幘常須半醉醒。賦罷新詩自高詠。滿汀鷗鷺欲
忘形。

東關

路入東關物象竒。角巾老子曳筇枝。蠶如黑蟻
桑生後秧似青鍼。水滿時穿市不嫌微雨溼。過
谿翻喜壞橋危。當年野店題詩處。又典春衣具
午炊。

又

雲感魚鱗襯夕陽放翁繫纜水雲鄉一筇疾步
人驚健斗酒高歌自笑狂風暝市樓吹絮雪蠶
生村舍采桑黃東阡南陌無窮樂底事隨人作
許忙

練塘

微風吹頰酒初醒落日舟橫杜若汀水秀山明
何所似玉人臨鏡暈螺青

。娥江市

小聚依江近支流入浦分荒寒孤店雨零亂野
祠雲薄餉炊畚粟珍烹采澗芹年來去健羨摩
腹自欣欣

宿野人家

避雨來投白版扉野人憐客不相違林喧鳥雀
棲初定村近牛羊暮自歸土釜煖湯先濯足豆
豔吹火旋烘衣老來世路渾諳盡露宿風餐未

覺非

舟中遣懷

三黜歸來結草廬平生狂態掃無餘但息下帷
授老子那復騎牛讀漢書歷歷舊遊渾似夢蕭
蕭殘髮不勝梳閒中事業君知否不把漁竿卽
荷鋤

歸次樊江

芳草東西路綠楊長短亭人生豈匏繫吾志本

鴻冥征袖朝霑雨歸帆夜戴星長魚幸能買且
復倒殘瓶

夜過魯墟

中夜過魯墟船底鳴細浪月出菱歌長林闌續
火壯故居不可識四顧但青嶂百年幾廢興撫
事一悽愴士生本耕稼時來偶卿相功名亦餘
事所勉在素尚况吾多難者久已冥得喪微祿
行當辭沒身事幽曠

有感

溫洛滎河拱舊京從來人物富豪英報仇雖有
楚三戶守節得無齊二城胡寇寧能斷地脉王
師行復暢天聲鳳麟久伏應爭奮勉爲明時頌
太平

遊石帆玉筍石旗諸山

算景苦多病幽尋寄一欣溪喧常似雨石潤易
生雲天迴回鴉陣林疎過鹿羣莫談朝市事吾

老厭紛紛

信步近村

端閒何以永今朝拈得筇枝度野橋三畝空園
喧啄木十尋高樹絡凌霄長飢未必緣詩瘦多
悶惟須賴酒澆興盡歸來又陳迹一林風葉暮
蕭蕭

寒食省九里大墓

陌上簫聲正賣餠籃輿兀兀雨冥冥人來平野

一點白山壓亂雲千疊青。石馬朱門松下路凍
齏冷飯柳陰亭華顛尚記兒童日撫事興懷涕
自零

平水道中

處處陂水滿家家巢燕忙葉舒桑漸闇穗重麥
初昂高下山花發青紅粉餌香亦知時節好老
大自悲傷

五雲橋

往時鏡湖陂防不廢則若耶溪水常滿可行大舟至雲門此橋木跨

溪上今乃在平陸矣

若耶北與鏡湖通縹緲飛橋跨半空陵谷變遷
誰復識我來徙倚暮煙中。

小雨雲門溪上

好雨疎疎壓暮埃斷雲漠漠帶春雷離黃穿樹
語斷續翠碧銜魚飛去來生菜入盤隨冷麩朱
櫻上市伴青梅狂吟不是誇強健老氣如山未
許摧

雲門獨坐

山北山南處處行
回頭六十七
清明如今老去
摧頹甚
獨坐焚香聽水聲

泛湖至東涇

春水六七里
夕陽三四家
兒童牧鵝鴨
婦女治桑麻
地僻衣巾古
年豐笑語譁
老夫維小艇
半醉摘藤花

又

湖光分別浦
嶺路過前村
泉石相縈帶
雲煙互吐吞
耕犁無易業
隣曲有通婚
試覓誅茆地
吾將遺子孫

又

細細桃枝竹
疎疎麕眼籬
雪霜燒葑夜
月露采菱時
腰斧登山早
移疊出浦遲
關心盡幽事
恨汝不能詩

舟過梅塢胡氏居
愛其幽邃爲賦一詩

稽山翠入家家窗此家清絕無與雙丹葩綠樹
錦繡谷清波白石玻璃江一堤茂草有眠犢數
掩短籬無吠龙北軒商略可散髮偕與放翁傾
酒缸

北窗

北窗本意傲羲皇老返園廬味夏長犢健戴星
耕白水蠶飢衝雨采青桑俚儒未墨開冬學廟
史牲牢祝歲穰從此鬢毛雖似雪未妨擊壤頌

虞唐

聞蛙

科斗忽安在蛙聲豪有餘雖成兩部樂恨失一
編書忿怒緣何事號呼可奈渠厨人不遐棄猶
得伴溪魚

晚春感事

風惡房櫳燕子歸雨多山路蕨芽肥青餐旋擣
作寒食白葛預裁充暑衣樨子曰長供課早故

人官達寄書稀幽居自喜渾無事又向湖陰坐
釣磯

又

和風薄靄過清明減盡重裘覺體輕正午軒窗
無樹影乍晴阡陌有鶯聲釀成西蜀鵝雛酒

鵝黃

廣漢酒名

煮就東坡玉糝羹捫腹翛然出門去春郊

何處不堪行

又

徙倚闌干送落暉年華冉冉恨依依護雛燕子
常更出著雨楊花又嬾飛已爲讀書悲眼力還
因攬帶歎腰圍親朋半作荒郊冢欲話初心淚
滿衣

又

少年騎馬入咸陽鶻似身輕蝶似狂蹴鞠場邊
萬人看鞦韆旗下一春忙風光流轉渾如昨志
氣低摧只自傷日永東窗淡無事閉門掃地獨

焚香

山居

平生杜宇最相知遺我巢山一段奇
茶磴細香供隱几松風幽韻入哦詩
溪邊拂石同兒釣竹下開軒喚客棊
幾許放翁新事業不教虛過太平時

四月三日同子坦子聿遊湖中諧山

我行無所詣悠颺信舴艋愛此綠樹村
捨棹度

小嶺路窮忽披豁恍然得異境蒼玉立萬峯清
鏡渺千頃更爲西南行聊破春晝永遙看秀邃
處疑足事幽屏一崦果可人竒石插碧井鏘鳴
若環珮其味復甘冷徘徊不忍去照我鬚鬢影
須臾日穿林井面光炯炯古今勝絕意正用一
笑領安得絕世喧於茲慕箕穎

梅僊塢小隱

綠樹陰陰小嶺西一翁二子自扶攜
雨前芳嫩

初浮盃臘脚清醇旋拆泥本欲省緣行買餅未
能去殺尚烹雞二者皆紀是日實事弄撓莫便尋歸路湖
靜無風日未低

盟雲

謂雲本無心企望乃爾竒謂雲果有心百變端
爲誰豈憐此翁愁一出怡悅之橫截千嶂平高
擎一峯危銀城突差峩玉海浩渺瀾或爲羣龍
矯或作孤鶴飛卷舒閒有態去來倏無時滃滃
覆松頂靄靄映水溜帶雨過僧窗和月傍釣磯
豈惟困畫工吾詩固難追惟當與之盟畢世相
娛嬉忍飢固易耳此友不可欺

示兒

舍東已種百本桑舍西仍築百步塘早茶采盡
晚茶出小麥方秀大麥黃老夫一飽手捫腹不
復舉首號蒼蒼讀書習氣掃未盡燈前簡牘紛
朱黃吾兒從旁論治亂每使老子喜欲狂不須

飲酒徑自醉取書相和聲琅琅人生百病有已
時獨有書癖不可醫願兒力耕足衣食讀書萬
卷真何益

村居初夏

算境難禁日月催臘醅初見拆泥開壓車麥穗
黃雲卷食葉蠶聲白雨來薄飯蕨薇端可飽短
衫紵葛亦新裁宦塗自古多憂畏白首爲農信
樂哉

又

北陌東阡節物新往來饋餉走比鄰出籠鵝白
輕紅掌藉藻魚鮮淡墨鱗笑語相聞豐歲樂耕
桑自足古風淳頽然一醉茆簷下且免西曹議
吐茵

又

煮酒開時日正長山家隨分當年光梅青巧配
吳鹽白筍美偏宜蜀豉香風暝緊催蠶上簇雨

餘閒看稻移秧老夫見事真成晚浪走人間兩鬢霜

又

天遣爲農老故鄉山園三畝鏡湖傍嫩莎經雨如秧綠小蝶穿花似繭黃斗酒隻雞人笑樂十風五雨歲豐穰相逢但喜桑麻長欲話窮通已兩忘

又

故鄉風物勝荆吳流水青山無處無列植園林多美菓飽鉏畦壟富嘉蔬橋邊來淬剝桑芥池畔行芟縛糲菰我有素紈如月扇會憑名手作新圖

城東逆旅

店家乞火燎征衣溼竹生薪不受吹更甚從戎戍邊日正如隨計入關時百年擾擾夢相似萬事悠悠心自知賴有牀頭周易在不妨清坐忍

朝飢

江村初夏

紫葚狼籍桑林下石榴一枝紅可把江村夏淺
暑猶薄農事方興人滿野連雲麥熟新食粳小
裹荷香初賣鮓蘋洲逢艇疾如鳥沙路芒屨健
如馬君看早朝塵撲面豈勝春耕泥沒踝爲農
世世樂有餘寄語兒曹勿輕捨

舟中作

湖海飄然避世紛汀鷗沙鷺舊知聞漁舟臥看
山方好野店沽嘗酒易醺病骨未成松下土老
身常伴渡頭雲美芹欲獻雖堪笑此意區區亦
愛君

東關

天華寺西艇子橫白蘋風細浪紋平移家只欲
東關住夜夜湖中看月生

又

魚尾詩集 二十一 漁古閣
煙水蒼茫西復東扁舟又繫柳陰中三更酒醒
殘燈在臥聽蕭蕭雨打篷。

少微山

平生一舸艤幾到少微山傑觀埽無迹高人呼
不還崕崩危欲壓磴斷滑難攀日暮增幽興漁
歌漭蒼間

舟行至織女潭

艣枝搖碎碧琉璃織女潭東白塢西帶犢吳牛

依茂樾添巢海燕啄新泥山谿曲折遙通谷沙
水淙潺各赴溪猶恨兒曹不同載一尊他日要
重攜

書歎

濩落非時用棲遲送此生只知求醉死何憚得
狂名伏櫪天涯老吞舟海溼橫眼前交舊盡有
淚對誰傾

小園獨立

草香無處覓花嫩不禁飛澤國春歸晚柴門客
過稀新泥添燕戶細雨溼鬢衣倚杖臨階久衰
翁氣力微

觀蘇滄浪草書絹圖歌

天孫獨處河之湄龍梭夜織冰蠶絲機頭剪落
光陸離騎鯨仙人醉題詩字大如斗健欲飛利
刃猛斫生蛟螭墨渴字燥尤怪奇百鬼潛影神
靈悲嗚呼東雲作筆兮海爲硯激水上騰龍野
戰乾坤震蕩人始驚筆未落時誰得見

睡起書觸目

歷架藤花重團枝杏子稠渴蜂窺硯水弱燕集
簾鈎入夏暑猶薄投閒身自由午窗初睡起幽
興付茶甌

曉雨初霽

曉來一雨洗塵痕濃綠陰陰可一園燕子聲中
寂無事獨穿苔徑出籬門

夏雨

連朝暑溽不可過動地忽有東北風嵯峨雲歷
世界碎天矯龍卷江湖空塵沙洗濯草木醒溝
澮激灑舟舸通更煩造物出壯觀跨海千丈垂
天虹

自東涇度小嶺聞有地可卜菴喜而有賦
小嶺西南煙水間頗聞有地百弓寬誰其云者
兩黃鵠何以報之雙玉盤竹塢未昏先掩曖蓮

汀當暑亦清寒一菴何日從吾好會約高人共
倚闌

露坐

五月暑猶薄中庭試葛衣蛙聲經雨壯螢點避
風稀塵念三生誤歸心半世違殘年端有幾可
復負漁磯

自笑

自笑胸中抵海寬韭齏麥飯日加餐住山緣熟

塵機息養氣功深槁面丹惡路慣曾經灑瀕浮
生何啻夢邯鄲鏡湖五月秋蕭爽剝傷灘頭把
釣竿

夜賦

夜窗搔首髮鬢髻病不勝衣倚瘦藤堪笑顏回
忍飢面常依韓愈看書燈殘生已與灰俱冷舊
友誰如几可憑月落風生忽增氣掠簷勁翮有
歸鷹

書懷

老死已無日功名猶自期清笳太行路何日出
王師

醉後作小草因成長句

天教老去未全衰猶欠縱橫萬首詩家近將軍
觴詠地身如太史滯畱時酒翻銀浪紅螺醖墨
涌玄雲紫玉池流落不妨風味在花前醉草寫
烏絲

雨中作

空濛初喜灑欄楹忽聽空階點滴聲高枕便知
宜夕睡豐年不歎負春耕多情幽草沿牆綠無
賴羣蛙繞舍鳴屈指清秋兩旬近却愁徂歲又
崢嶸

詠史

入郢功成賜屬鏤削吳計用載厨車閉門種菜
英雄事莫笑衰翁日荷鋤

登鵝鼻山至絕頂訪秦刻石且北望大海
山路危甚人迹所罕至也

街頭旋買雙芒屨作意登山殊不惡蒼崖無罅
竹鞭逸崩石欲墜松根絡憑高開豁快送目歷
險崎嶇危著脚川雲忽起兩蛟舞瀑水高吹萬
珠落大巖空腔誰所刻絕壁峭立端疑削坡平
或可坐百人峽束僅容飛一鶴蛇蹊岌岌頭自
眩鬼谷慘慘神先愕秦皇馬迹散莓苔如鑄非

鐫鑿非鑿殘碑不禁野火燎造物似報焚書虐
人民城郭俱已非煙海浮天獨如昨

六七月之交山中涼甚

城市方炎熱村墟乃爾涼拂窗桐葉下繞舍稻
花香獨鶴警秋露雙螢明屋梁臥聞機婦織感
歎夜初長

幽居

大患元因有此身百年強半走踈踈折殘廣武

城邊柳染盡洛陽衣上塵繞樹鶻孤棲漸穩支
床龜老息初勻出門不欲摩雙眼世態年來又
一新

又

百頃菰蒲古澤中老夫病起恰秋風流年不貸
人皆老造物無私我自窮市隱管曾從嘯父山
栖今欲効園公芳樽雖匪金丹術槁面尊前也

鬢紅

又

煙水重重際海涯
夜深風雨耿茆茨
交刃散落歡娛少
憂患侵陵志氣衰
癡腹何由有鱗甲
俗情自未去毛皮
詩書六十餘年夢
更擬傳衣付小兒

園中雜詠

藝花本無多過眼
那復遺陰陰一園
綠佳處乃在茲
悠然東窗下顧與
枕簟宜風輕竹解
擇雨

足果壓枝

又

珍禽下上鳴迨及
清潤時豈惟侑我
觴亦以起我詩
白練一團雪來與
紅練俱魚虎飛照
水意若愛翠裾

又

後闕
一葉

狂連夕到橫參玉船湛湛真秋露却恨鵝兒色
尚深

晚興

白布裙襦退士裝短籬幽徑獨相羊莎根蟋蟀
催秋候稗穗蜻蜓立晚涼屈子所悲人盡醉酈
生常謂我非狂知心賴有青天在又炷中庭一
夕香

村圃

村圃穿荒翳秋容變慘淒柳疎蟬噪急雨重鶻
飛低小草臨池學新詩滿竹題若令車馬到何
處有幽棲

劍南詩集卷第二十二



國家圖書館, NATIONAL CENTRAL LIBRARY, TAIWAN, R.O.C.

劔南詩彙目錄

卷第二十三

七月一日夜坐舍北水涯戲作 病後登


山亭 覽鏡 遣懷 開元寺小閣十四

韻 寄題趙寬之主簿慈順堂 郊居首二

新秋感事首二 八月一日微雨驟涼

秋雨首三 月下獨坐 秋日步至湖桑埭

西 秋社首二 秋思首六 以事至城南書



觸目 舍西夕望 題城侍者峴山圖

題城侍者剡溪圖 晚秋農家八首 湖上

小閣 苦雨歎 遣懷 道石并序三首 蘭

亭 小葺村居 書陶靖節桃源詩後

有叟 不寐 遙夜 秋晚息梁益舊遊

三首 紹熙辛亥九月四日雨後白龍挂西

北方復雨三日作長句記之 蔬圃 農

家 自喜 重九後風雨不止遂作小寒

三首 城南上原陳翁以賣花為業得錢悉

供酒資又不能獨飲逢人輒強與共醉辛

亥九月十二日偶過其門訪之敗屋一間

妻子飢寒而此翁已大醉矣殆隱者也為

賦一詩 甜羹之法以菘菜山藥芋菜菔

雜為之不施醯醬山庖珍烹也戲作一絕

算秋書事 早自偏門入城晚出南堰

門以歸 初寒 小舟自紅橋之南過吉

澤歸三山

首二

得猫於近村以雪兒名之

戲為作詩

晝睡

戲詠閒適

寓歎

首二

獨夜

記九月二十六日夜夢

夢海

山壁間詩不能盡記以其意追補

首四

當

食歎

睡鄉

晨興

初冬從父老飲村

酒有作

懷南鄭舊遊

冬夜讀書

余

為成都帥司參議成將軍漢卿為成都路

兵鈐相從無虛日余被召出蜀漢卿坐法

謫居于涪既得自便因卜築為涪人今年

廣漢僧祖成來山陰乃言嘗至永嘉樂清

縣柳市之廣福寺有黃先生寓寺中煉丹

及見則漢卿也余聞之感歎不已為賦此

詩

雜題

首六

息蜀

首四

散吏

題剡溪

瑩上人梅花小軸

夜夢遊驪山

枕上

五更讀書示子

夜坐

臥龍

劔南詩彙目錄

卷廿三終

劔南詩彙卷第二十三

七月一日夜坐舍北水涯戲作

一日本作七日玩荷
中月上疎林分當焉

兀傲胡床酒半醒
釣筒收盡數舟橫
風生細葛無三伏
月上疎林正四更
北斗離離低欲盡
明河脉脉去無聲
斥僊豈復塵中戀
便擬騎鯨返玉京

病後登山亭

野客雙蓬鬢空山一草亭
睡魔欺茗薄疾豎怯

丹靈治世窮馮衍殘年老管寧安居得後死不
敢恨飄零

覽鏡

白頭漸覺黑絲多造物將如此老何三萬里天
供醉眼二千年事入悲歌劔關曾蹴連雲棧海
道新窺浴日波未頌中興吾未死插江崖石竟
須磨比自三江杭海至丈亭

遣懷

許國區區不自勝秋風空羨下鞦鷹青雲夜歎
初心誤白髮朝看一倍增積憤有時歌易水孤
忠無路哭昭陵唐制有寃者許哭昭陵下頭顱自揣今如此
尚欲閒尋紫閣僧陳希夷奇錢宣靖復招紫閣僧相之

開元寺小閣十四韻

淵源兩名衲築閣捫星辰近山臥蜿蜒遠山高
嶙峋朝看雨空濛暮揖雲輪困賦詩有宿諾下
語終未親萬法不孤起請君作其因高掛四面

窗淨埽一榻塵室中絕人聲門前謝車輪容我
睡半日兩忘主與賓緩燒海南沉細碾建谿春
是間儻有句可與屈宋鄰詩如奮螫龍夭矯不
受馴使可造次得何異池中鱗世有擾龍手媿
我非其人詩不已就乎著眼勿逡巡

寄題趙寬之主簿慈順堂

人間得意盡危機獨有榮親事未非魏闕恩光
新綠綬高堂娛侍舊斑衣牙籤插架書無恙蘭

膳循垓養莫違况有兩公天下士爲君百斛瀉

珠璣

謝昌國中丞楊廷秀
祕監皆嘗有此作

郊居

平生萬事不容求惟有郊居志已酬更漏遠城
雞唱曉歲時無曆葉知秋潮生小舫行收荻月
落長歌起飯牛已作幸民仍醉死人間毀譽判
悠悠

又

索米官倉例坐愚東方未可戲侏儒行藏要付
他年看富貴真堪一笑無等死不過賒歲月長
閒勿更問妻孥狂豪儘道非平替老膽輪困尚
滿軀

新秋感事

江上清秋昨夜回漁扉正對荻洲開志存天下
食不足節慕古人讒愈來風際紙鳶那解久祭
餘芻狗會堪哀蕭然散髮聽秋雨剝領新涼入

酒盃

又

北渚秋風凋白蘋流年冉冉默傷神強顏未忍
乞墦祭積毀僅逃輸鬼薪半榼浮蛆初試釀兩
螯斫雪又嘗新受恩自度終無報聊爲清時備
隱淪

八月一日微雨驟涼

流汗沾衣喘不供孰知有此快哉風新涼忽覺

從天下殘暑真成埽地空恰轉輕雷過林塢已
吹好雨到簾櫳幽人病愈閒無事剗賦歌詩樂
歲豐

秋雨

剗曲高秋一草亭雨來迨我醉初醒豪吞平野
宜閒望急打虛窗入靜聽沙上溼雲號斷雁籬
根衰草綴孤螢老人嬾復親燈火臥看爐香掩
素屏

又

赤日黃塵勢已窮七月中旬後淒風苦雨却怒
秋暑尤劇忽盛衰默定見天造寒暑密移成歲功柯葉凋
零無茂木羽翰顛顛有羈鴻誰知病客悲秋意
盡在空堦點滴中

又

冷雨蕭蕭澀不晴鼓篁遮盡小窗明故衾獨屢
成酣寢新釀初嘗得細傾壁簡積陰添蠹字床

劍南詩集 五
琴生潤咽弦聲此時懷抱真難遣一首清詩信
筆成

月下獨坐

髮根蕭爽受微風徙倚闌干月正中天宇了無
雲一點城樓俄報鼓三通庭臯簌簌吹凋葉江
渚翩翩落斷鴻回首人間塵土惡騎鯨聊駐水
精宮

秋日步至湖桑埭西

伏枕衰方劇搯筇氣忽增細泉鳴暗竇疎樹映
孤燈斷雁寒依渚強魚健脫罾行纏已無用却
作在家僧

秋社

明朝逢社日鄰曲樂年豐稻蟹雨中盡海氛秋
後空不須諛土偶正可倚天公酒滿銀盃綠相
呼一笑中

又

浦溆漁歌遠茆茨績火明新涼迎病起樂事及
秋成社肉分初至官壺買旋傾殘年得家食何
以報時清

秋思

南鄭歸來二十霜背人歲月去堂堂破裘不補
知寒早倦枕無憊厭夜長年少若爲評宿士狂
生曾是說高皇慨然此夕江湖夢猶繞天山古
戰場

又

一生書劔徧天涯兩歲秋風喜在家爛醉日傾
無算酒高眠時聽屬私蛙園林夕照明丹柿籬
落初寒蔓碧花便擬掛冠君會否耳根不復耐
喧譁

又

殘暑偏能著此翁吹襟剝喜得西風露滋小徑
蘭苕冷月射高粱燕戶空衰病呻吟真一洗醉

歌跌宕與誰同。從今日日增幽興。水際先丹數
葉楓。

。又

半年閉戶廢登臨。直自春殘病至今。帳外昏燈
伴孤夢。簷前寒雨滴愁心。中原形勝關河在。列
聖憂勤德澤深。遙想遺民垂泣處。大梁城闕又
秋砧。

。又

雁陣橫空送早寒。白頭病叟住江干。風林脫葉
山容瘦。霜稻登場野色寬。萬里關河驚契濶。一
尊鄰曲話悲歡。書生餓死尋常事。那得重彈掛
壁冠。

又

藥畦蔬壟夕陽中。帶落冠欹一病翁。步蹇每妨
行藥興。眼昏幾廢讀書功。露濃乍警雲巢鶴。風
勁先凋玉井桐。欲賦悲秋却休去。鬢絲已是滿

青銅

以事至城南書觸目

十里西風吹帽帶江城衣杵遠猶聞路如劔閣
逢秋雨山似爐峰鎖暮雲原上老翁眠犢背籬
根小婦牧羊羣百錢且就村場醉舌本醇醜莫
苦分

。舍西夕望

茆舍菱陂北柴門藥圃西奇雲去人近澹月傍

簷低野迴羊牛下林昏鳥雀栖郊墟少還往父
子自扶攜

題城侍者峴山圖

漢水沉碑安在哉千年峴首獨崔嵬平生不作
羊公計但欲無名死草萊

。題城侍者剡溪圖

莫境侵尋兩鬢絲湖邊自葺小茆茨從今步步
俱回棹不獨山陰興盡時

晚秋農家

老來萬事嬾不獨廢應疇門前卽湖山亦復罕
出遊吾廬有真樂一榻眠高秋回看世上事得
喪良悠悠

又

秋雨無時休令我雙鬢縞庭荒何由鉏木落不
得埽遣奴入城市寸步困泥潦菰首幸可烹芻
豢置勿道

又

豢大使警夜畜雞用司旦徹警盜所窺失旦固
吾患豈無糠粃費施報不可緩家居亦爲政發
我中夜歎

又

東鄰稻上塲勞之以一壺西鄰女受聘賀之以
一襦誠知物寡薄且用交里閭努力畢農功租
賦勿後輸

又

我年近七十與世長相忘筋力幸可勉扶衰紫
耕桑身雜老農間何能避風霜夜半起飯牛北
斗垂大荒

又

疏溝架畧約拾瓦壘浮屠旣畫菘韭畦遂營瓜
芋區豉香吳鹽白飽計已有餘捫腹笑自賀無
羊敗吾蔬

又

苦寒牛亦耕甚雨雞亦鳴物物各有職怠心其
敢萌我老返農圃學業付後生語兒續膏油勿
輟讀書聲

又

吾里賢長者蓋有萬石風少年以利遷但可哀
其窮仁義亦何常聖賢與人同我言不足取汝
豈忘乃翁

湖上小閣

蒲萄初紫柿初紅
小閣憑闌萬里風
莫怪年來增酒量
此中能著太虛空

苦雨歎

九淵龍公出忘還
瓦溝垂溜聲淙潺
茫茫大澤北際海
湫湫平湖南浸山
吾廬四望路俱斷
蛙鼃爭雄亂昏旦
漏床腐席夜失眠
溼竈生薪朝不爨
今年十分喜有秋
豈知青秧出禾頭
老夫

一飽復繆悠聽兒讀書寬百憂

遣懷

秋風策策冷吹衣
謝病經年晝掩扉
絕世本來希獨立
刺天不復計羣飛
細息萬古名何用
太息九原誰與歸
葬近要離非素意
富春灘畔有苔磯

道石

吾家舊藏奇石甚富今無復存者獨道石一尚置几案間戲作

秋風嫋嫋雨班班
身隱幽窗筆硯閒
小試壺公

劍南詩集 十二
海古閣
縮地術數峯閒對道州山

又

林慮靈壁俱尤物散落人間不復還投老東歸
風味在春陵小岫伴身閒

又

謨因祿米棄尊鱸一落塵埃底事無布鞵青鞵
雖興盡此峰聊當臥遊圖

蘭亭

蘭亭絕境擅吾州病起身閒得縱遊曲水流觴
千古勝小山叢桂一年秋酒酣起舞風前袖興
盡回撓月下舟江左諸賢嗟未遠感今懷晉使
人愁

小葺村居

晉我作屋時趣欲庇風雨茆茨寒自刈條枚細
相拄庫溼生蚍蚋得煖森翅羽摧撓自棟梁朽
敗連柱礎鄰父爲我言努力謀安處土堅瓦可

陶步近木易取豈知七十翁沉痾久未愈身世
如浮漚家舍真逆旅一床居易足十歲敢自許
且當復其初浩歌臥環堵

書陶靖節桃源詩後

寄奴談笑取秦燕愚智皆知晉鼎遷獨爲桃源
人作傳固應不仕義熙年

有叟

有叟鏡湖邊茆茨八九椽憑闌秋萬里閉戶醉

經年身外浮名小胷中浩氣全此生吾自判造
物恐無權

不寐

老眼睡眠少林居煙雨昏百年歸老死萬事付
乾坤熠熠螢穿幔錚錚鐵過門欲明聞漉稻浩
歎閔黎元

遙夜

遙夜凜高秋蕭條念褐裘煙江新雁下竹塢暗

螢流舊友嗟誰在初心恐不爾一尊桑落酒聊得洗吾愁

秋晚息梁益舊遊

幅巾筇杖立籬門秋意蕭條欲斷魂恰似嘉陵江上路冷雲微雨溼黃昏

又

憶管西行萬里餘長亭夜夜夢歸吳如今歷盡風波惡飛棧連雲是坦途

又

滄波極目江鄉恨衰草連天塞路愁三十年間行萬里不論南北怯登樓

紹熙辛亥九月四日雨後白龍挂西北方復雨三日作長句記之

長空黓闇如欲夜白龍驕拏見雲罅鱗間出火光
照江尾卷風霆雨如射老人百歲見未曾兒
童閉門伏牀下髮毛慘凜誰復支性命么微不

禁嚇登場已歎禾生耳出戶仍愁泥沒胯皇天生民豈不愛龍亦何心敗吾稼父老相看出無策攬涕頓顙號粉社移牀避漏我亦忙秉燭題詩寄悲吒

蔬圃

蔬圃依山脚漁扉竝水涯臥枝開野菊殘枿出秋茶病骨知天色羈懷感物華餘年有幾許且灌邵平瓜

農家

南畝勤菑穫西城謹蓋藏種蕎藥霽日斫荻待微霜谿碓新春白山厨野蕪香何須北窗臥始得傲羲皇

自喜

半生羈宦走人間醉裏心寬夢裏閒自喜如今無一事讀書纔倦卽遊山

重九後風雨不止遂作小寒

病軀剝喜卽新秋殘暑無端抵死留風雨掃除
雖一快凋年搖落已堪愁

又

菊枝欹倒不成叢井上梧桐葉半空射虎南山
無復夢雨蓑煙艇伴漁翁

又

夜長稚子添書課霜近衰翁憶醉鄉儘道吳中
時節晚菊花也有一枝黃

城南上原陳翁以賣花爲業得錢悉供酒
資又不能獨飲逢人輒強與共醉辛亥九
月十二日偶過其門訪之敗屋一間妻子
飢寒而此翁已大醉矣殆隱者也爲賦一
詩

君不見會稽城南賣花翁以花爲糧如蜜蠶朝
賣一株紫萼賣一枝紅屋破見青天盜中米常
空賣花得錢送酒家取酒盡時還賣花春春花

開豈有極。日日我醉終無涯。亦不知天子殿前
宣白麻。亦不知相公門前築堤沙。客來與語不
能會。但見醉髮覆面垂髭髻。

甜羹之法以菘菜山藥芋菜蕪雜爲之不
施醯醬山庖珍烹也戲作一絕

老住湖邊一把茆。時沽村酒具山肴。年來傳得
甜羹法。更爲吳酸作解嘲。

算秋書事

算秋風雨卷茆茨。砧杵聲中過雁悲。楓葉欲丹
先慘澹。菊叢半倒不支持。旗亭人熟容賒酒。野
寺僧閒得對碁。莫怪苦尋林下事。駭機滿地只
心知。

早自偏門入城晚出南堰門以歸

早從偏門入。算從南堰歸。鮑郎山前路。空翠浮
煙霏。秋令忽已深。病骨頻添衣。向來慕功名。常
恐斯心違。乃今知其難。崦嵫迫殘暉。伯鸞與幼

安尚友或庶幾到家亦既夕青燈耿窗扉且復
取書讀父子窮相依

初寒

蚊蠅埽迹葉飛初剗喜幽窗讀我書牆角短檠
真耐久手中團扇又成疎百年作夢行休去九
月無衣亦晏如獨恨故人消息斷寒江誰與倩

雙魚

張季長自離吳
門未得近書

小舟自紅橋之南過吉澤歸三山

霏霏寒雨數家村雞犬蕭然晝閉門它日路迷
君勿恨人間隨處有桃源

又

六月芙渠正盛時画船長記醉題詩世間好景
元無盡霜落荷枯又一奇

得猫於近村以雪兒名之戲爲作詩

似虎能緣木如駒不伏轅但知空鼠穴無意爲
魚飧薄荷時時醉艷觥夜夜溫前生舊童子伴

我老山村

晝睡

眼昏妨讀書不睡復何如擁被新寒裏伸腰午
飯餘斷香縈倦枕疎雨滴前除未竟華胥樂茶
甌莫喚渠

戲詠閒適

算秋風雨暗江津不下書堂已過旬鸚鵡籠寒
晨自訴狸奴羶煖夜相親典衣旋買修琴料叩

戶時聞請藥人說與鄉鄰當賀我死前長作自
由身

寓歎

荷戈常記壯遊時齒豁頭童不自知已分功名
非力致更悲文字與年衰端居漸覺從人嬾熟
睡偏於聽雨宜自斷歸休君勿怪一盃齋糝敵
瓊糜

又

醉撫酒壺憐嬾矮臥看香岫愛嶙峋舊時京洛
塵埃面今作江湖風月民幻世界中均起滅太
虛空裏孰寬親可齋入定論千劫說與天魔任
惱人

獨夜

獨夜迢迢掩素屏病懷羈思共鈴牋房櫳十月
寒初重風雨三更酒半醒繁杵有聲時斷續殘
缸無焰尚青熒恍然喚起西征夢身臥金牛古

驛亭

記九月二十六夜夢

海山萬峯鬱參差宮殿插水蟠蛟螭碧桃千樹
自開落飛橋架空來者誰桐枝高聳宿丹鳳蓮
葉半展巢金龜和風微度寶箏響永日徐轉簾
陰移西廂恍記舊遊處素壁好在尋春詩當年
意氣不少讓跌宕醉墨紛淋漓宿醒未解字猶
溼人間歲月浩莫推歎驚撫几忽夢斷海濶天

遠難重期

夢海山壁間詩不能盡記以其意追補

碧海無風鏡面平潮來忽作雪山傾金橋化出
三千丈閒把松枝引鶴行

又

海上瘳雲滿袖風醉捫星斗躡虛空要知壯觀
非塵世半夜鯨波浴日紅

又

一劔能清萬里塵讒波深處偶全身那知九轉
丹成後却插金貂侍帝宸

又

春殘枕簾落花眠正是周家定鼎年睡起不知
秦漢事一尊閒醉華陽川

當食歎

黃鸝舉網收錦雉帶箭墮藉藻頰鯉鮮發奩蒼
兔臥吾儕亦何心甘味樂死禍貪夫五鼎烹志

士首陽餓請言觀其終孰爲當吊賀八月黍可
炊五月麥可磨一飽端有餘努力事春簸

睡鄉

有酒君勿啜入腸作戈矛有書君勿觀到眼生
君愁不如睡鄉去萬事風馬牛郊墟無來客風
雨送算秋苔螿蟲唧唧霜林葉颼颼是時一枕
睡不博萬戶侯斗帳裁青氈重衾擁黃紬華山
希夷翁千載可與遊

晨興

未旦雞三號將旦鵝羣鳴湖陂地曠快頗樂聞
此聲回首宦遊日鈴索攪五更未言簿書勞讒
謗隨日生一飢百憂散灑然懷抱清雨後初得
齋晨庖有珍烹豈不念加糝侈汰恐易萌且當
讀古書至味敵大羹

初冬從父老飲村酒有作

父老招呼共一觴歲猶中熟有餘糧薺花漫漫

渾如雪豈菟離離未著霜山路獵歸收兔網水
濱農隙架魚梁醉看四海何曾窄
蘇子美詩云
吁嗟四海窄
且復相扶醉夕陽

懷南鄭舊遊

南山南畔管從戎賓主相期意氣中渴驥奔時
書滿壁餓鴟鳴處箭凌風千艘粟漕魚關此一
點烽傳駱谷東惆悵壯遊成昨夢戴公亭下伴

漁翁

冬夜讀書

霜雪紛紛滿鬢毛凋年懷抱獨蕭騷房櫳夜悄
孤燈暗原野風悲萬木號病臥極知趨死近老
勤猶欲與書鏖小兒可付巾箱業未用逢人歎
不遭

余為成都帥司參議成將軍漢卿為成都
路兵鈐相從無虛日余被召出蜀漢卿坐
法謫居於涪既得自便因卜築為涪人今

年廣漢僧祖成來山陰乃言嘗至永嘉樂清縣柳市之廣福寺有黃先生寓寺中煉丹及見則漢卿也余聞之感歎不已爲賦

此詩

將軍胸中脩文武鐵馬黃旗玉關路羗胡可滅
心自知富貴有命才可與奪官置之三硤中空
山猿鳥同朝算道逢奇士握手談明日家人不
知處平生心事一丹竈萬里生涯兩芒屨東嘉

古寺臥高秋時有巢仙來叩戶山中豈識故將
軍但怪英姿凜不羣電眼蝟鬚長八尺論丹說
劔氣凌雲

雜題

松肪釀酒石根醉擗葉作衣雲外行指點人間
一長歎秋風又到洛陽城

又

山家貧甚亦支撐時撫桐孫一再行朝甑米空

烹芋粥夜釭油盡點松明

又

羊裘老人只念歸安用星辰動紫微洛陽城中
市兒眼情知不識釣魚磯

又

黍醅新壓野雞肥茆店酣歌送落暉人道山僧
最無事憐渠猶趁算鐘歸

又

釣魚吹笛本閒身正坐微官白髮新著屐此生
猶幾緡可令復踏九衢塵

又

山光染黛朝如溼川氣鎔銀莫不收詩料滿前
誰領畧時時來倚水邊樓

思蜀

思蜀寸心折歸吳雙鬢衰今年脫虎口昨夜夢
墓頤死隔平時友愁吟別後詩江山應好在誰

記踏青期

又

一作劔關客閒遊將十年不嫌狂駭俗自許醉
知天瑞草溪橋路青衣野廟孺霜天獵歸處萬
里入橫鞭

又

來從雲棧北行度雪山西故事談金馬遺蹤訪
石犀閒情淡於水豪飲醉如泥壞壁塵封遍何

人拂舊題

又

玉食峨嵋榭金壘丙穴魚常息晚秋醉未與故
人疎白髮當歸隱青山可結廬梅花消息動悵
望雪消初

余答在犍為師伯渾王志夫張功夫
王季夷瑩上人輩以秋晚來訪樂飲
旬日而去

散吏

拜賜明時散吏名頭銜字字敵冰清讀書有味

聊忘老賦祿無多亦代耕笠澤尊鱸秋向晚
緜山笙鶴月微明人間樂事今真得莫恨摧頽白髮生

題剡溪瑩上人梅花小軸

孤舟清曉下溪灘爲訪梅花不怕寒忽有一枝橫竹外醉中推起短篷看

夜夢遊驪山

秦楚相望萬里天豈知今夕宿溫泉穿雲漱月

無窮恨依舊潺湲古縣前

溫飛卿詩云至今湯殿水嗚咽縣前流

枕上

簷角查查鵲語輕窗櫺澹澹日痕生清愁不逐爐香散旋啜寒壘解宿醒

五更讀書示子

近村遠村雞續鳴大星已高天未明床頭瓦檠燈煜爚老夫凍坐書縱橫算年於書更多味眼底明明見莘渭但令病骨尙枝梧半盞殘膏未

爲費吾兒雖慙素業存頗能伴翁飽菜根萬鍾
一品不足論時來出手蘇元元

夜坐

天公似欲假餘齡鍼石年來幸小停微火暝爐
娛獨夜斷雲吐月縞中庭眼前樂事寒醅綠身
後虛名蠹簡青賴有古人同此志傍觀不用歎
伶行

臥龍

危磴盤紆上翠微倚天樓觀碧參差雨來海氣
先橫驚風惡松柯盡倒垂孤鶻歸巢翅翎重斷
鴻覓伴語聲悲人間萬事難禁老醉撫闌干欲
算時

劍南詩集卷第二十二

國家圖書館, NATIONAL CENTRAL LIBRARY, TAIWAN, R.O.C.

劔南詩彙目錄

卷第二十四

野步晚歸 竝山東南閒步至野人吳氏
居乃歸 晝睡 連日有雪意戲書 兩
蜀故人寄余閬中左縣題名石刻來皆二
十餘年矣悵然有感 歲晚 夢斷 雨
聲 農家 夜行湖上 冬夜讀書忽聞
雞唱 梅花絕句 十首 閉戶 小園竹間

得梅一枝 梅花絕句首二 得林正父察

院書問信甚勤以長句寄謝 蔬食戲書

歎俗 晚飯罷小立門外有作 觀梅

至花涇高端叔解元見尋首二 春雪 舟

過季家山小泊 送王成之給事 山家

送傑上人歸成都首二 落魄 春晴出

遊 題瑩上人二画首二 和張功父見寄

首二 山家算春首二 讀王季夷舊所寄詩

題庠閣黎二画首二 入雲門小憩五雲

橋 黃昉小店野飯示子坦子聿 山園

入城至郡圃及諸家園亭遊人甚盛

次韵范參政書懷首十 春晚村居雜賦絕

句首六 沽埭西酒小酌 戲詠村居首二

戲詠閒適首三 夜與兒子出門閒步 老

景 初夏 晨起 月夜短歌 小軒

愛閒 靜院 雨晴 讀史有感 算歸

仰首座求鈍菴詩 壁老求笑菴詩二首

浴罷 夜坐水次 六月十四日微雨

極涼 十五日雲陰涼尤甚再賦長句

水亭晚眺 自詠 立秋前四日夜泛舟

至跨湖橋 信筆三首 示兒 青山白雲

歌 小市 蓬萊館午憩 夢遊散關渭

水之間

劔南詩彙目錄 卷廿四終

劔南詩彙卷第二十四



野步晚歸

江村十日喜霜晴草死泥乾拄杖輕溝港淺來
無鷺下郊原暝處有牛耕犇馳久厭兒童戲淪
落偏知世俗情欲向書窗了殘課歸來猶占夕
陽明

竝山東南閒步至野人吳氏居乃歸

信步閒行遍四鄰擁籬老稚看綸巾人隨世換

金日言
明儕少志與年衰感概頻梅送冷香橫雪岸雁
翻孤影下煙津豐年何地疇君賜剡向旗亭作
醉人

晝睡

我年垂七十齒髮日變遷初無金丹術何以追
飛仙惟有一高枕可以餞餘年蕭蕭敗榻上鼻
鼾心了然靜如豹隱霧湛若珠藏淵奇語少年
輩未宜嘲孝先

連日有雪意戲書

壯歲羈遊半九州卽今顛顛老菟裘狂心那復
繳鴻鵠世事已如風馬牛雪作未成增慘澹葉
飛欲盡更颼颼聊將袖裏平戎事判斷千巖萬
壑秋

兩蜀故人寄余閬中左縣題名石刻來皆
二十餘年矣悵然有感

憶過西州樂飲時百車載酒萬花園只言身外

金剛言真 二 沈古
皆餘事豈信人間有駭機雪鬢已成新夢境緇
塵空化舊征衣早知一笑難如此剗判年光醉
不歸

歲晚

歲晚霜風正怒號荒村敗屋擁藜蒿窮猶可勉
聖賢事老豈遽忘鉛槧勞從宦雖如棊已決治
經竊比繭初繅閉門養氣淵源在未敢摧傷學
楚騷

夢斷

夢斷燈殘聞雁聲攬衣起坐待天明街頭濁酒
不堪醉窗外疎梅空復情人欲見擠真砭石身
寧輕用作投瓊南湖可引春疇美只合躬耕畢
此生

雨聲

雨聲點滴朝復暮中有詩人絕塵句雲門咸池
渺千古斷譜遺音此其緒雨聲點滴夜不休中

有羈臣去國愁九疑聯翩湘水秋忠誠內激涕
自流我今衰病百無念臥對青燈吐殘焰支牀
納息効寒龜傷枕長吟笑孤劔雨聲不斷睡愈
美窗白鴉啼攬衣起呼兒燒兔傾濁醪又倚胡
牀雨聲裏

農家

低垣矮屋俯江流渾舍相娛到白頭累世不知
名宦樂百年邨識別離愁飯餘常貯新陳穀農
隙閒眠子母牛聞道少年俱孝謹未應家法媿
恬侯

夜行湖上

月痕澹欲無斗柄低半沒荒陂雁飛鳴草屋牛
臥齧我行湖邊路霜冷刮病骨斷隄沙水溼屨
滑常恐魔殘年垂七十野處猶短褐窮死士所
有權門不可謁

冬夜讀書忽聞雞唱

齷齪常談笑老生丈夫失意合躬耕天涯懷友
月千里燈下讀書雞一鳴事去大牀空獨臥時
來豎子或成名春蕪何限英雄骨白髮蕭蕭未
用驚

梅花絕句

凜凜冰霜晨皎皎風月夜南山有飛仙來結尋
梅社

又

憶昔西戍日夜宿僊人原風吹野梅香夢繞江
南村

又

錦城梅花海十里香不斷醉帽插花歸銀鞍萬
人看

又

低空銀一鈎糝野玉三尺愁絕水邊花無人問
消息

又

蘭荃古所貴梅乃晚見稱盛衰各有時類非人力能

又

子欲作梅詩當造幽絕境筆端有纖塵正恐梅未肯

又

清霜徹花骨霜重骨欲折我知造物意遣子世

味絕

又

士窮見節義木槁自芬芳坐回萬物春賴此一

點香

又

南村花已繁北塢殊未動夏餘一月期待我醉春甕

又

山月縞中庭幽人酒初醒不是怯清寒愁蹋梅花影

閉戶

簞瓢虛道不堪憂閉戶方從造物遊安樂本因無事得功名常忌有心求洗除仇怨忘蠻觸歛光芒靜斗牛兒報牀頭春甕熟人間萬事轉悠悠

小園竹間得梅一枝

若耶溪邊鶴髮叟流落一生端坐口如今不怕桃李嗔更因竹君得梅友嶺頭羈旅萬里愁江上淒涼一杯酒枝橫澹月影在地藥插烏巾香馥手交情歲晚金石堅孤操凜然真耐久荒山野水終自得銀燭金壺亦何有夢魂不接莊周蝶心事肯付張緒柳晚來画角動高城起舞聊爲放翁壽

梅花絕句

幽谷那堪夏北枝年年自分著花遲高標逸韻
君知否正在層冰積雪時

又

萬瓦清霜夜漏殘小舟斜月過闌干老來一事
偏堪恨好看梅時却怕寒

得林正父察院書問信甚勤以長句寄謝
折柳湖南別尚新書來已見柳搖春故情有此
膠投漆薄俗從渠越視秦長劔拄頤那復夢短

衣掩脛未全貧有詩亦欲頻持寄腸斷西江六
六鱗

蔬食戲書

新津韭黃天下無色如鵝黃三尺餘東門菹肉
更奇絕肥美不減胡羊酥貴珍詎敢雜常饌桂
炊薏米圓比珠還吳此味那復有日飯脫粟焚
枯魚人生口腹何足道往往坐役七尺軀羶葷
從今一掃除夜煮白石箋陰符

歎俗

風俗陵夷日可憐
乞墦鉗市亦欣然
看渠皮底元無血
那識虞卿魯仲連

。晚飯罷小立門外有作

此心何敢慕輕肥
尚媿無功飽蕨薇
浦面烏衝殘靄去
柳陰人荷一鋤歸
病嗟短髮紛紛白
老覺初心種種非
百步空庭著明月
黃昏手自掩荆扉

觀梅至花涇高端叔解元見尋

春晴閒過野僧家
邂逅詩人共晚茶
歸見諸公問老子
爲言滿帽插梅花

又

春暎山中雲作堆
放翁艇子出尋梅
不須問信道傍叟
但覓梅花多處來

春雪

江雲坐野雪如筵
閏歲春來特地遲
倒盡酒壺

終日醉臥聽兒誦半山詩

舟過季家山小泊

困睫濛濛渴煮茶繫船來叩野人家風翻翠浪
千畦麥水漾紅雲一塢花健犢破荒耕犂确幽
禽除蠹啄槎牙尋春非復衰翁事且伴兒童一
笑譁

送王成之給事

我笥揚帆掠吳楚夜泊秦淮聽春雨明朝冠蓋

擁長亭誤辱諸公問良若是時衆中初識公天
驥蹴踏萬馬空知心投分財數語玉塵謾謾生
清風冶城醉墨鴉棲壁長干祖道花照席公方
閉戶試諸生坐歎江山少顏色爾來俛仰三十
春欲話舊遊無故人豈知邂逅逢一笑使我肝
膽還輪囷衰遲少復入城市虛左屢招慙主意
忽聞上印却悽然悔不日日從公醉朝廷三載
虛一相如公早合鸞臺上滎河溫洛久胡沙此

段功名勿多讓

。山家

白石青莎一徑斜。無人迹到山家。梁間歸燕避微雨。池面遊魚爭落花。雪鬢但增新感慨。金鞭那復舊豪華。明窗睡起渾無事。篝火風爐自試茶。

送傑上人歸成都

錦城一別鬢成絲。今日山陰送傑師。亂絮飛花

撲行路。正如東郭放船時。

又

春夜挑燈話別愁。此心已在錦江頭。舊時處處塵昏壁。想復長吟爲小留。

落魄

落魄江湖七十翁。欲持一笑與誰同。蕭蕭雪鬢難藏老。寂寂蓬門可諱窮。好句尙來欵枕處。壯心時在倚樓中。無涯毀譽何勞詰。骨朽人間論

自公

春晴出遊

芳樹參差葉已成園林隨處聽鶯聲遊人正樂
還興歎造物無心却有情糝徑落紅猶可藉漲
溪分綠已堪耕蘭亭禹廟年年好剡伴鄉鄰醉
太平

題瑩上人二画

天地又秋風谿山憶剡中孤舟幸閒著偕我訪

支公

右剡谿

曉聽楓橋鐘暮泊松江月斯人亦可人淡墨寫
愁絕

右吳江

和張功父見寄

舉世何人念此翁敢期相問寂寥中回思舊社
驚年往細讀來書恨紙窮我用荷鋤爲事業君

將高枕示神通叮寧一語宜深聽信筆題詩勿
太工

又

佐命貂蟬再世孫手鉏瓜壟傍青門超騰已得

丹換骨戀著肯求香返魂

功父如夫人逝去聞頗損眠食故及之

正復悲秋如騎省可令病渴似文園庭前柏樹
西來意握手何時得英論

山家暮春

遶屋清陰合綠堤綠草纖起蠶初放食新麥已
磨鎌苦筍先調醬青梅小蘸鹽佳時幸無事酒
盡更須添

又

行飯獨相羊扶藜過野塘晴光生蝶粉暎律變
鶯吭妙美羣兒競蠶飢小婦忙深知遊宦惡窮
死勿離鄉

讀王季夷舊所寄詩

燈前忽見季夷詩淚灑行間不自知醉別西津
如昨日露晞漚滅已多時

余在京口與季夷別遂不復相見

題庠閣黎二画

秋山瘦嶙峋秋水渺無津如何草亭上却欠倚
闌人

右秋景

溪上望前峰巉巉千仞玉渾舍喜翁歸地爐煨
芋熟

右雪景

入雲門小憩五雲橋

穀雨初過換夾衣園林零落到薔薇鳴鳩日暝
遙相應雛燕風柔漸獨飛臺省多才吾輩拙江
湖久客暮年歸雲門蹋月方清絕且倚溪橋看
夕霏

黃昉小店野飯示子坦子聿

山林久衰病生世幾清明未作松根臥猶尋溪

上行食新炊麥飯嘗饀啜莼羹孺子雖知學家
貧且力耕

山園

山園寂寂閉春風箇裏天教著放翁萬事已拋
孤枕外一尊常醉亂花中間隨戲蝶忘形久細
聽啼鶯得意同月桂可憐常在眼小叢時放一
枝紅

入城至郡圃及諸家園亭遊人甚盛

老子何曾慣市塵今朝也復入城闈太平有象
人人醉造物無私處處春九陌鶯花娛病眼一
竿風月屬閒身不緣興盡回橈早要就湖波照
角巾

次韻范參政書懷

養氣頽然似木雞謗讒寧復問端倪生塵甑煖
喜炊黍輶釜羹香忘糝藜萬里曾遊雲棧北一
庵今臥鏡湖西殘年老病侵腰膂那得隨人病

夏畦

又

已著山林掃塲衣洗除仕路劔頭炊心光焰焰
雖潛發頷雪紛紛已太遲度日只今閒水牯知
時從管羨山雌掩關未必渾無事擬徧寒山百
首詩

又

身寄崦嵫欲盡時且貪餘景伴兒嬉故廬手種

竹千箇醉帽時簪花一枝蠹篋有書僕夙好衡
門無客作新知羊裘自欠封侯骨敢道君房徹
底癡

又

感管傷懷一喟然事賢猶及紹興前此身顛仆
應無日諸老凋零不計年客少可羅門外雀家
貧也辦杖頭錢插花醉舞春風裏不學龐翁更

問禪

又

春寒還似暮冬天敗絮重披有蝨緣雖欠高僧
分白氎偶蒙暴客恕青氈濁醪盎盎貧猶醉倦
枕昏昏晝亦眠年少從渠笑衰嬾相呼禹廟看

龍船

近有偷兒取二釜
去它幸無所失亡

又

祠祿恩寬亦例沾屏居懷抱苦厭厭戍邊事往
功名忤迎客兒扶老病兼遇興榜舟無遠近破

愁沽酒任酸甜殘年唯有讀書癖盡發家藏三

萬籤

又

芋栗多儲煮復煨一塵那許到靈臺虹穿道室
爐丹熟龍吼空山匣劒開躡屩未成遊地肺掩
扉聊欲隱天台桃花榮謝吾何預一任劉郎去
後栽

又

探梅方憶雪中歸轉眼青青子滿枝築圃漫爲
娛老計褰牋又賦送春詩乞身何日還初服坐
食終年媿聖時睡起西窗澹無事一枰閒看客
爭碁

又

宇內寓形財幾時西山俄已迫斜暉百年過隙
古所歎衆口鑠金胡不歸已是平生行逆境更
堪末路踐危機夜香一炷無他祝稽首虛空懺

昨非

又

趙州行脚我安能閒却床邊六尺藤釣閣臥聽
西澗雨碁軒遙見北村燈平生愛睡如甘酒晚
歲憂讒劇履冰剝欲舒懷畲清獻半空鸞鳳媿
孫登

春晚村居雜賦絕句

作堤蜿蜿六百尺西崦東村成一家春雨乍晴

桑吐葉秋風初冷稻吹花

又

鵝兒草綠侵行路
燕子花明照屋除
處處乞漿俱得酒
杖頭何恨一錢無

又

一篙湖水鴨頭綠
千樹桃花人面紅
茆舍青帘起余意
聊將醉舞奮春風

又

朝書牛券拈枯筆
算祭蠶神酌凍醪
閒放無憂窮有意
傍人鎔羨此翁高

又

澆書滿挹浮蛆瓮
攤飯橫眠夢蝶牀
莫笑山翁見機晚
也勝朝市一生忙

東坡先生謂晨飲為澆書李黃門謂午睡為攤飯

又

午枕閉門無客攪
夜燈開卷有兒同
若為牋與

天公道盡乞餘生向此中

沽隸西酒小酌

隸西小店酒新篘一醉今朝覺易謀從曠劫來
俱有死出青天外始無愁功名未許妨高臥風
月猶能賦遠遊造物向人元不薄卷簾萬頃鏡
湖秋

戲詠村居

歌起陂頭正插秧梯斜籬外又剝桑日長處處

鶯聲美歲樂家家麥飯香林杏半丹禁宿雨
葢自歛避斜陽北窗合是羲皇上已置臨風八
尺床

又

馬跡車聲斷已無隣翁笑語自相呼衣裁大布
如亭長船設低篷學釣徒愍物欲師僧施食畏
人愁報吏催租陳蕃壯志消磨盡一室從今却
掃除

戲詠閒適

鈔書字細眼猶明
擣藥聲清疾漸平
桐葉雨邊尋斷夢
菊花香裏散餘醒
人間榮辱知難到
紙上興亡看亦輕
惟恨暮年交舊少
滿懷情話向誰傾

又

剡曲稽山是故鄉
人言景物似瀟湘
三升花露春壺滿
八尺風漪午枕涼
樹合綠陰山鵲鬧
盆

鑄紫石水榭香
回息烏帽京塵客
始覺幽居白日長

又

涉世心知百不能
閉門嬾出病相仍
簞瓢味美如烹鼎
鄰曲人淳近結繩
半顆鴉殘墻外杏
一枝鵲裊澗邊藤
蕭然埽盡彈冠興
敢爲詩情望武陵

夜與兒子出門閒步

家住黃花入麥村閒將穉子出柴門草根螢墮
久開闔雲際月行時吐吞未分悲憂攻齒髮已
將生死付乾坤舊書半蠹猶堪讀糲飯藜羹莫
更論

老景

老景雖無幾爲農尚有餘曾傳種魚術新得相
牛書黍酒時畱客菱歌或起予平生湖海志高
枕看嚴徐

初夏

筍生遮狹徑溪漲入疎籬漸及分秧候還當煮
繭時雨昏雞共嬾米盡鼠同飢村巷無來客清
羸只自知

晨起

老病少睡眠臥見天窗白棲鳥亦已鳴一一翻
去翮我起將何之且復守書冊收斂萬里心未
厭容膝迨吾家讀書法一字亦當覈勉哉積新

功莫問幾時客

王右丞歎白髮詩曰俯仰天地間能爲幾時客

月夜短歌

老夫倚杖當戶立
霜氣青冥月輪溼
颼颼短髮冷入頂
更覺衣屨清風襲
月落欲盡夜蒼茫
回顧明星已煌煌
明星雖高未須喜
三足陽鳥生海底

小軒

四面山如碧玉城
小軒聊得愜幽情
乍飛乳燕

低無力自落來禽靜
有聲麟筆殘功成
水品蛇圖餘息入
棊枰閒中事業吾能了
未恨林廬送此生

愛閒

愛閒惟與病相宜
壯歲懷歸老可知
睡熟素書橫竹架
吟餘犀管閣銅螭
水芭蕉潤心抽葉
盆石榴殘子壓枝
堪笑放翁頭白盡
坐消長日事兒嬉

靜院

靜院房櫳雨送涼熏籠衣幘潤生香小屏風疊
圖遙碧古錦囊書榻硬黃已占江湖寬處老絕
知日月靜中長敲門無客妨人睡更覺餘年樂
未央

雨晴

閒曳枯筇自在行曲廊小閣賞新晴幽禽葉底
吟風久殘雨枝間照日明茶映盞毫新乳上琴

橫薦石細泉鳴亦知老健終難恃且復蕭然得
此生

讀史有感

英雄自古埋秋草世上兒童笑狂射賊曾飛
白羽箭閉門空枕綠沉槍隆中高臥人千載易
水悲歌淚數行讀盡青編窗日晚一尊聊復吊
興亡

算歸

意行無所之偶傍陂頭立空村犬吠豪高樹蟬
嘒急風塵一身老海宇萬感集還家日已暮草
露青鞋溼

仰首座求鈍菴詩

鈍菴來問鈍何如真箇能參鈍也無掘井及泉
那用巧磨磚作鏡未爲愚先師鉢袋當傳後上
座蒲團莫負渠我亦年來念休歇約君同作鈍
工夫

壁老求笑菴詩

臺省諸公六出奇江湖狂客一生癡無人爲問
淨光老撫掌掀髯端爲誰

又

車馬往來塵暗天淨光欣喜接諸賢半甌春茗
無多費且結來生一笑緣

浴罷

浴罷西軒物色幽臥看香霧上衣篔簹半廊月白

初侵夜一葉桐飛忽報秋老覺年光殊袞袞病
知心事斷悠悠碧筩且作池邊醉玉色新醅手
自筩

夜坐水次

房星縱心星橫北斗高掛南斗傾蓼根熠熠螢
火明葦葢哀哀姑惡聲我倚胡床破三更溪風
吹衣月未生玉門關拂雲城何時連營插漢旌
白頭書生未可輕不死令君看太平

六月十四日微雨極涼

湖上清秋近壘中白日長雲來樹收影雨過土
生香蓮小紅衣溼瓜甘碧玉涼晚來幽興極移
榻近方塘

十五日雲陰涼尤甚再賦長句

襜襖京塵觸熱行豈知世有野堂清磴茶落雪
睡魔退激水跳珠涼意生疊疊清風隨塵柄悠
悠長日付棋枰小舟先向蘋汀泊浴罷還須泛

月明

水亭晚眺

暑雨初晴浦面寬
水亭景物卷簾看
聯舟作陣圍魚隊
屈竹成籬護芡盤
四海諸公半丘壟
百年幾夕倚闌干
日沈未用匆匆去
待挽銀河濯肺肝

自詠

萬事不挂眼
終年常避人
荒畦荷鋤晚
環堵結

茆新病馬何勞斥
輕鷗未肯馴
雖慙市門卒
聊作葛天民

立秋前四日夜泛舟至跨湖橋

短楫追涼十里來
夜深却御便風回
離離蒲葉先秋老
嫋嫋蘋花帶露開
陌上歌呼簪稻穗
橋邊燈火賣官醅
時平樂事知何限
未歎流年兩鬢催

信筆

爲善得旤吁可悲顏回短命伯夷飢何人長號
血續淚天自無心君自癡

又

少年醉眼傲王侯末路悲歌夜飯牛濟世有時
生一念鏡中白髮勸人休

。又

急雨初過景物奇一天雲作細鱗羞画橈弄水
三十里恰是西村煙暝時

示兒

斥逐襟被歸招喚振衣起此是鄙夫事學者那
得爾前年還東時指心誓江水亦知食不足但
有餓而死小兒教汝書不用日十紙字字講聲
形仍要身踐履果能稱善人便可老鄉里勿言
五鼎養肉食吾所鄙

青山白雲歌

青山白雲翁放浪酒中死埋骨長松根夜夜聽

谿水松老會作薪骨朽會作塵但畱千載狂名
在知我它年自有入

小市

小市狂歌醉墮冠南山山色跨牛看放翁胸次
誰能測萬里秋空未是寬

蓬萊館午憩

驛門繫馬聽蟬吟翻動平生萬里心橋畔笛聲
催日落城邊草色帶煙深關河歷歷功名晚歲

月悠悠老病侵憶戍梁州如昨日憑闌西望一
霑襟

夢遊散關渭水之間

平生望眼怯天涯客裏何堪度歲華但恨征輪
無四角不愁歸路有三義驛窗燈闇傳秋柝關
樹煙深宿暮鴉叱犢老翁頭似雪羨渠生死不
離家

劍南詩集卷第二十四



國家圖書館, NATIONAL CENTRAL LIBRARY, TAIWAN, R.O.C.

劔南詩彙目錄

卷第二十五

秋夜 世事 夜半池上作 秋夜將曉

出籬門迎涼有感二首 夏秋之交久不雨

方以旱爲憂忽得甘澍喜而有作 藥圃

書歎 夜興 閒中頗自適戲書于客

座 新涼夜坐有作 荷花二首 醉中作

題空壁 老將二首 白髮 小雨 秋

日郊居

首八

七月十七日大雨極涼

雨

中作

秋興

首三

雨夜南堂獨坐

夜不

能寐復呼燈起坐戲作

喜晴

枕上

新作南門

寄成漢卿將軍

病臥

晚

晴 秋雨初晴有感

獨飲

小築

示

兒 新晴

晨起坐南堂書觸目

壬子

八月癸卯大風雨拔木飄瓦通夕不能寐

秋雨不止排悶

用短

覽鏡有感

哭徑山策老

松風

醉歌

秋夜讀書

有感 瀘州亂

東鄰築舍與兒輩訪之

為小畱 夜坐

西隣亦新葺所居復與

兒曹過之

有術士過門謂余壽及九十

晚眺

秋日焚香讀書戲作

九月一

日夜讀詩豪有感走筆作歌

上書乞再

任冲佑

秋晚歲登戲作

首二

舟中望禹

祠蘭亭諸山

夜觀嚴光祠碑有感

闕

趣 壬子九日登山小酌 舍北望水鄉

風物戲作絕句 新黏竹隔作暎閣 禹

跡寺南有沈氏小園四十年前嘗題小闕

壁間偶復一到而園已易主刻小闕于石

讀之悵然 贈鏡中隱者 月夜作 記

夢 感舊 小園 初冬 閒中樂事二首

小舟 九月二十三夜小兒方讀書而

油盡口占此詩示之 今年立冬後菊方

盛開小飲 行飯算歸 晝眠 睡覺聞

兒子讀書 余得木杖于秦望山中今三

十年矣隴蜀萬里未嘗相捨戲賦長句贈

之 步至近村 五鼓不得眠起酌一盃

復就枕 醉倒歌 冬夜 默坐 日暮

遣興 泛舟 夜讀范至能攬轡錄言

中原父老見使者多揮涕感其事作絕句

初冬埽東山之麓置數石于喬松巨竹

間以眺西山甚自適也 南堂脊記乃已
三十年偶讀之悵然有感

劍南詩彙目錄 卷廿五終

劍南詩彙卷第二十五



秋夜

清夜不成寐出門還浩歌斷雲微翳月薄露不
傾荷絡緯知時早梧桐奈汝何非關老懷惡秋
物感人多

世事

世事本難全吾生已媿天偕書常糶載餽酒亦
蟬聯餽粥隨時具湖山此地偏殘年更何慕未

死卽神仙

夜半池上作

夜永空參睡不成起扶藤杖傍池行露濃雙鶴
移枝宿風急孤螢墮草明斷續更籌傳古戍縱
橫河漢接高城寒泉未漱神先爽靜聽銅瓶汲
井聲

秋夜將曉出籬門迎涼有感

迢迢天漢西南落喔喔鄰雞一再鳴壯志病來

消欲盡出門搔首愴平生

又

三萬里河東入海五千仞嶽上摩天遺民淚盡
胡塵裏南望王師又一年

夏秋之交久不雨方以旱爲憂忽得甘澍
喜而有作

亂點灑庭蕪涼聲集井梧綠荷傾作汞翠蔓綴
成珠臥聽病良已行吟愁欲無天公終老手談

笑活焦枯

藥圃

少年讀爾雅亦喜騷人語幸茲身少閒治地開
藥圃破荒斲瓦礫引水灌膏乳玉芝移石帆金
星取天姥申椒藤蕪輩一一粲可數次第雨苗
滋參差風葉舉山僧與野老言議各有取瓜香
躬采曝泉潔謹炊鬻老夫病若失稚子喜欲舞
餘年有幾何長鑿真託汝

書歎

只道才高始不容無才也墮駭機中市朝回首
已陳迹日月催人成老翁仗馬自貪三品料雲
鵬方駕九天風今朝有喜君知否揀得煙汀下
釣筒

夜興

夜出茆堂自撤扃烏藤與我兩伶俜涼蟾吐暈
圍千丈老木移陰可一庭隔浦呼鳴聞宿鳥傍

簷開闔數流螢放翁尚友論千載不取梁鴻卽
管寧

閑中頗自適戲書示客

髮猶半黑臉常紅老健應無似放翁烹野八珍
邀父老燒窮四和伴兒童野八珍見王履道詩
世又有窮四和香法
剪紗新製簪花帽乞竹寬編養鶴籠巢許夔龍
竟誰是請君下語勿匆匆

新涼夜坐有作

老夫任運本騰騰一念軒裳實未曾閒似苔磯
垂釣叟淡如村院罷參僧硯屏突兀蓬婆雪書
几青熒蓮勺燈臨邛雪山硯屏及漢嘉古
稚子樣燈檠皆吾書室中物也
可憐貪夜課語渠循舊未須增

荷花

風露青冥水面涼旋移野艇受清香猶嫌翠蓋
紅粧句何況人言似六郎

又

南浦清秋露冷時。凋紅片片已堪悲。若教具眼
高人看風折霜枯似更奇。

醉中作

宦遊三十載舉步亦看人。愛酒官長罵近花丞
相。嗔湖山今入手風月始關身。少吐胸中氣從
教白髮新。

題三壁

平生喜蕭散垂老厭奔走。三千鏡湖上樂事未

曾有晨開一卷書。算把一卮酒病除。覺身輕赤
脚自蹋藕。乃知造物意亦未棄衰朽。今夕月殊
佳。出門喚鄰叟。

老將

憶管東都有事宜。夜傳帛詔起西師。功名無分
身空在。猶指金劄說戰時。

又

百戰西歸變姓名。悲歌擊筑醉湖城。貂裘換得

金鷄醬種藥南山待太平

白髮

疾病侵壯年髮恐不及白
偶賴針石功寓世成
久客行年垂七十霜雪紛滿幘
耳目雖已衰亦
未與人隔濯纓千頃湖送老
五畝宅大布縫長
衫東阡復南陌

小雨

百穀畏秋陽常恐膏澤吝
大哉天公仁霖霖來

有信蘋汀水未長藥壠土先潤
新涼生葛衣老
憊亦小振

秋日郊居

山雨霏微鴨頭水溪雲細薄
魚鱗天幽尋自笑
本無事羽扇筇枝上釣舩

又

行歌曳杖到新塘銀闕瑤臺無此涼
萬里秋風
菰菜老一川明月稻花香

又

秋日畱連野老家朱槃鮓鬻粲如花已炊藟散

真珠米夏點丁坑白雪茶

藟散米名
丁坑茶名

又

車蕩比鄰例饋魚流涎對此四腮鱸北窗雨過
涼如水消得先生一醉無

又

今年斟酌是豐年社近兒童喜欲顛半醉半醒

村老子家家門口掠神錢

又

魚鹹滿缶酒新篘處處吳歌起壠頭上客已隨

新雁到晚禾猶待薄霜收

刻及諸暨入以八月
來水鄉助穫謂之上

客以其來
自山中也

又

兒童冬學鬧比鄰據案愚儒却自珍授罷村書

閉門睡終年不著面看人

農家十月乃遣子入
學謂之冬學所讀雜

字百家姓之類謂之村書

又

兩翁兒女舊論姻酒檐羊腔喜色新不遣交情

隔生死固應世好等朱陳

小兒子聿聘亡友張叔渚季女蓋尋舊約

也

七月十七日大雨極涼

吳中七月熱未已渴身呀呀井無水炎官護前
不少斂樹頭敢望秋風起天公老手亦豈難雨

來黑雲如壞山瓦溝淙淙萬銀竹變化只在須
臾間老夫挑燈北窗下山童夜歸泥過踝草根
促織有底忙縑衣未贖還慨慷

雨中作

山雨時時急谿流日日添溼苔緣暗壁腐瓦落
頽簷老至那容却狂來未易砭泥深村路絕煙
樹出青帘

秋興

天遣幽人儘放狂，醉眠無復客爲妨。
墨蛟飛下剡藤滑，蒼壁碾成官焙香。
老境雖深身更健，清秋欲半日猶長。
閉門莫道都無事，又了移花一段忙。

又

蓬蒿門巷絕經過，清夜何人與晤歌。
蟋蟀獨知秋令早，芭蕉正得雨聲多。
傳家產業遺書富，玩世神通醉臉酡。
如許癡頑君會否，一毫不遣損

天和

又

老子雖貧未易量，風流猶在小茆堂。
蒲萄錦覆桐孫古，鸚鵡螺斟玉瀼香。
千點荷聲先報雨，一林竹影剗分涼。
秋來便有欣然處，新種蓴絲已滿塘。

雨夜南堂獨坐

老夫眼暗牙齒疎，七十未滿六十餘。
故人欲盡

誰與娛獨坐默誦小年書北風日夜吹雨急空
村泥深屋茆溼鳳皇覽德乃下集可憐飛螢常
熠熠

夜不能寐復呼燈起坐戲作

吳中秋半暑未退今歲雨多如許涼藥鼎熒熒
伴孤寂三更袖手聽啼螿

喜晴

久雨羣蛙日夜號樂哉霽色滿江郊草書已悟

屋漏壁詩句免悲風卷茆喚婦晴鳩鳴廢圃
林棲鶻補危巢泥乾我亦思來客未暇移書廣
絕交

枕上

守書眼欲闔投枕乃瞭然兒曹戒曳履相語翁
正眠豈知擁敗褐炯如寒魚鰓少時笑老人其
事今好還蕭蕭雙白鬢忽忽七十年豈惟老態
出已覺衰病纏白晝尙便靜況此清夜闌妙處

始難名睡與不睡間

新作南門

弊廬本西鄉設門紹熙壬子歲始翦闢荆棘移門南鄉

翦棘移門未費錢好山無數碧巉然病夫憤憤真堪笑反衣狐裘三十年

寄成漢卿將軍

燕頤將軍萬里遊谿山好處卽遲留頗聞南岳度殘夏寧憶北平防盛秋君已飛騰丹換骨我方衰病雪蒙頭禪龕也有新勛業百萬魔軍一

戰收

病臥

病臥東窗怕攬衣年來真與世相違橫林蠹葉秋先覺別浦驕雲暝不歸歲月惟須付樽酒江山竟是屬漁磯鄰翁一夕成今古愈信人生七

十稀

村東吳翁病一夕而卒

晚晴

今年秋多陰殊未決豐歉時時雲一片復作雨

初月詩

卷之廿五

及五

數點晚來晴頗牢
天宇碧如染微風過林梢斜
日在山崦農家築場罷
竭作事收歛貪睡吾可
慙齋扉晝常掩

秋雨初晴有感

炎曦赫赫尙餘威
冷雨蕭蕭故解圍
號野百蟲如自訴
辭柯萬葉竟安歸
芣羹菰菜珍無價
上釣魴魚健欲飛
散吏何功霑一飽
高眠仍聽擣秋衣

獨飲

怪怪奇奇不自懲
晚途猶復氣橫膺
觥船那待清歌勸
酒到愁邊量自增

小築

小築湖邊避俗囂
幾年于此寓箠瓢
雖非隱士子午谷
寧媿詩人丁卯橋
羅雀門庭無俗駕
緣雲磴路有歸樵
詩情酒興常相屬
堪笑傍人說寂寥

示兒

文能換骨餘無法學但窮源自不疑齒豁頭童
方悟此乃翁見事可憐遲

新晴

積雨已淒冷新晴還少和稼收平野濶木落遠
山多土潤朝畦菜機鳴夜擲梭時清年歲好吾
敢歎蹉跎

晨起坐南堂書觸目

林塘天與占深幽一把茆輕萬戶侯漠漠斷雲
開復合纖纖微雨落還收奇峯角立千螺曉遠
水平鋪足練秋詩料滿前吾老矣筆端無力固
宜休

壬子八月癸卯大風雨拔木飄瓦通夕不
能寐

我簪浮江坐貪快六十幅蒲船尾挂惡風吹到
馬當祠出沒蜿蜒舞澎湃舟人失色急倒檣共

上蘆灣望祠拜風雲晝晦性命憂更復何心問
薪菜顛危僅免葬魚腹至今常抱垂堂戒豈知
風雨有茲夕屋破窗鳴紛百怪直疑屋外卽長
江九轉得生邨可再正襟默坐徐自思忠信固
可當喪敗鬼神雖惡技有窮卷地破山真一噫
明朝倚杖看晴雲茲夕驚心復何在

秋雨不止排悶

放翁愁坐茆簷裏泥潦連村不得行夜夜溼星

占雨候時時老木送秋聲小詩旋錄兼行草薄
酒新篘任濁清身世正如萍在水略無根柢也
能生

用短

用短定非癡愛閒真復竒飯香貧始覺睡味老
偏知畦地閒栽藥畱僧靜對碁餘年猶有幾捨
此欲何之

覽鏡有感

齒如敗屐鬢成絲七十之年敢自期閱世久應
書鬼錄強顏那復乞山資緋衫蔭子踰初望下
澤還鄉負聖時回首墮溝元有命不須深計巧
九兒

哭徑山策老

岌岌龍門萬衲傾翩翩隻履又西行塵侵白拂
繩床冷露滴青松卯榿成遙想再來非四入尚
應相見話三生放翁大欠修行力未免人間愴

別情

松風

東嶺諸松多
余丙戌歲手種
距今壬子二十有七年矣

半嶺松風破睡時起看山月倚筇枝縱橫滿地
髯龍影盡是當年手自移

醉歌

佛如優曇時一出老姥何爲憎見佛山從古在
天地間愚公可笑欲移山火其書廬其居佛亦
何曾可埽除子有孫孫有子山竟差我汝何喜

床頭有酒敵霜風詩成老氣尙如虹八萬四千
顛倒想與君同付醉眠中

秋夜讀書有感

鬢毛焦秃齒牙疎老病燈前未廢書卷裏光陰
能屬我人間聲利久忘渠窮山藏拙猶嫌淺糲
飯支羸不願餘雨露安能澤枯朽故人枉是費

吹噓

時所聞
如此

瀘州亂

高寺坡前火照天南定樓下血成川從事橫屍
太守死處處巷陌森戈鋌此州雄跨西南邊平
安烽火夜夜傳豈知癰疽潰在內漫倚築城如
鐵堅從來守邊要人望縱有奸謀氣先喪卽今
死者端爲誰姓名至死無人知

東鄰築舍與兒輩訪之爲小畱

甲第潭潭莫羨渠窮人從管愛吾廬茆茨新潔
嗟何欠隣里追隨故不疎甕醬芬香盤早兔白

壘珍醖膾寒魚年豐日有攜尊興家藥從今不

一書

黃魯直有日記謂之家藥

夜坐

瘦骨倚蒲團燈背影自看心清便獨夜酒盡怯
新寒病虎減精采飢鴻摧羽翰晚途堪笑閔猶
擬乞祠官

西隣亦新葺所居復與兒曹過之

竹屋茆檐煙火微長歌相應負禾歸窮居幸可

支朝夕世事何曾有是非新茁畦蔬經宿雨半
開籬槿弄斜暉老翁略與吾年等眷眷遮畱莫
苦違

有術士過門謂余壽及九十

形骸鶴瘦復松枯況是新霜滿鬢鬚醉似在家
狂道士愚于識字老耕夫敢言萬里封侯事但
問縱文入口無許我年如伏生比逢時猶解誦
唐虞

晚眺

秋晚閒愁抵酒濃。試尋高處倚枯筇。雲歸時帶
雨數點。木落又添山一峰。鳴雁沙邊驚客艣。行
僧煙際認樓鐘。箇中詩思來無盡。十手傳抄畏
不供。

秋日焚香讀書戲作

世事無端自糾紛。放翁隱几對爐熏。好官何恨
輸玄保。奇字猶須屬子雲。婆律一銖能敵國。水

沉盈握。有兼斤。閉門莫怪常終日。不是高人不
遣聞。

九月一日夜讀詩。豪有感。走筆作歌。

我管學詩未有得。殘餘未免從人乞。力孱氣餒
心自知。妄取虛名有慙色。四十從戎駐南鄭。酣
宴軍中夜連日。打球築場一千步。閱馬列廐三
萬疋。華燈縱博聲滿樓。寶釵豔舞光照席。琵琶
弦急冰雹亂。羯鼓手勻風雨疾。詩家三昧忽見

前屈賈在眼元歷歷天機雲錦用在我剪裁妙
處非刀尺世間才傑固不乏秋毫未合天地隔
放翁老死何足論廣陵散絕還堪惜

上書乞再任冲佑

虬枝六尺藤方屋九寸帽人間無處著山水歸
寄傲耳中聞淵明自我髮未燥高標不可揖七
十忽已到明窗置經龕與室養丹竈雖云迫遲
莫要足平管好悠。然萬念空快若河卷埽寄聲

幔亭雲行拜散人號

秋晚歲登戲作

水落沙痕出天高野氣嚴。麝香油乍壓。壘美韭
新醃裘褐風霜逼。蘅茆醉夢兼。菊花香滿把。聊
得儼陶潛

又

漫漫蕎鋪白纍纍橘弄黃。未論癡腹飽已覺醉
魂香。曳杖行歌裏。拋書倦枕。傍軒車雖已矣。終

媿食官倉

時方謀
祠祿

舟中望禹祠蘭亭諸山

艣枝謳軋出煙津醉倚船蓬岸幅巾禹穴探書
慙舊學塗山執玉記前身雲低野澤號新雁露
溼芳洲老白蘋逸少亡來欲千載眼中髣髴見
清真

夜觀嚴光祠碑有感

我管過釣臺峭石插江淥登堂拜嚴子挹水薦

秋菊君看此眉宇何地著榮辱雒陽逢故人醉
腳加其腹書生常事爾乃復駭世俗正令爲少
畱要非管文叔平生陋范擘瑣瑣何足錄安得
太史公妙語寫高躅

閒趣

濯罷銅駝陌上塵此生長作水雲人更貧家業
猶供酒未死年光盡屬身閉戶碁聲聞膈膊卷
簾山色對嶙峋貴公漫說林間事東路何人岸

角巾

壬子九日登山小酌

老懷多感驚佳節病骨宜寒喜薄霜玉膾壺中
橙尚綠彩猫鮓上菊初黃幾年虛負登高興何
許重尋落帽狂淺酌易醒歸薄葺又成支枕獨
焚香

舍北望水鄉風物戲作絕句

西風沙際矯輕鷗落日橋邊繫釣舟乞與画工

團扇本青林紅樹一川秋

新黏竹隔作煥閣

骨相元作臞儒酸况復疾豎瘵衰殘鶉姑聲急
雨方作烏舅葉丹天已寒封姨青女交作屨竹
君楮生却憐客小兒但喜夜爐紅老夫更愛晨
窗白蝸牛負廬亦自容是豈不足支窮冬已勝
展鉢三椽下莫羨苴茹萬戶封

禹跡寺南有沈氏小園四十年前嘗題小

闕壁間偶復一到而園已易主刻小闕于石讀之悵然

楓葉初丹榭葉黃河陽愁鬢怯新霜林亭感舊空回首泉路憑誰說斷腸壞壁醉題塵漠漠斷雲幽夢事茫茫年來妄念消除盡回向禪龕一炷香

贈鏡中隱者

小築林間避世紛不妨埜叟是知聞來遊喜有檝迎我歸臥豈無雲贈君得鹿夢回初了了吠葵聲惡尚信信從今雪夜頻相過紙帳蒲團要策勲

月夜作

江風吹微雲長空散魚鱗秋露洗明月青山湧冰輪我病適良已欣然岸綸巾索酒惱諸兒哦詩驚四鄰頗覺胸次空未歎白髮新庭菊臥殘枝奇香猶絕塵園梅雖未花瘦影已可人方池

湛翁淪醜石立嶙峋幸無千金費亦足終吾身
樂哉何所恨擊壤從堯民

記夢

我夢結束遊何邦小憩埜館臨幽窗千峰廬山
錦繡谷一水蜀道玻璃江春耕叱犢翁眉厖曉
汲負盎女髻雙忽然夢斷已雞唱擁衾坐待鄰
鐘撞

感舊

當年書劔揖三公談舌如雲氣吐虹十丈戰塵
孤壯志一簪華髮醉秋風夢回松漠榆關外身
老桑村麥埜中奇士久埋巴硤骨燈前慷慨與

誰同

獨孤景畧死于
忠州十年矣

小園

窄窄柴門短短籬山家隨分有園池客因問字
來攜酒僧趁分題就賦詩晨露每看花藟坼夕
陽頻見樹陰移

此二事非閒
寂不知也

拂衣司諫猶忙在

此趣淵明却少知

初冬

已罷彈冠欲挂冠一菴天遣養衰殘雨荒園菊
枝枝瘦霜染江楓葉葉丹羹釜帶鱗烹白小蓬
門和蔓繫黃團夕陽更動閒遊興十月吳中未
苦寒

閒中樂事

轉老轉迂疎胸中一物無放言誇酒聖著論笑

錢愚埽地收松粉全巢買鶴雛登臨未應倦天
給短筇扶

又

得喪畧相當幽居氣味長五窮雖偃蹇二豎已
奔忙出甌桃花輒傾瓢竹葉香語君真富貴不
是傲羲皇

小舟

小舟無定處隨意泊江村雲氣分山疊沙汀感

浪痕宦途危虎尾閒味美熊蹯高詠淵明句吾
將起九原

九月二十三夜小兒方讀書而油盡口占

此詩示之

徹骨貧來累始輕孤村月上正三更汝緣油盡
眠差早我亦尊空醉不成南陌金羈良自苦北
邨麟冢半無名書生事業期千載得喪從來未
易評

今年立冬後菊方盛開小飲

胡床移就菊花畦飲具酸寒手自攜野實似丹
仍似漆村醪如蜜復如壘傳芳邴解烹羊脚破
戒猶慙擘蟹臍一醉又驅黃犢出冬晴正要飽
畊犁

行飯莫歸

宿疾去如掃出門芒屨輕菊叢寒蝶鬧楓葉夕
陽明結陣看鴉集街衣喜犬迎踟躇搔白首詩

句入經營

晝眠

困睫曹騰老孝先
龕氈布被早霜天
珥貂碧落應無分
且向人間作睡仙

睡覺聞兒子讀書

夢回聞汝讀書聲
如聽簫韶奏九成
且要沉酣向文史
未須辛苦慕功名
人人本性初何欠
字字微言要力行
老病自憐難預此
夜窗常負短

燈檠

余得木杖于秦望山中
今三十年矣隴蜀
萬里未嘗相捨戲賦長句贈之

提攜到處覺身輕
楚澤秦關不計程
只道維摩無侍者
誰知上座是同行
青鞵白拂真相稱
湘竹谿藤誤得名
珍重從今常倚壁
住菴吾欲過浮生

步至近村

藥物扶持疾漸平。布裘絮帽出柴荆。荒堤經雨多牛跡。村舍無人。有碓聲。數蝶弄香寒菊晚。萬鴉回陣夕楓明。老翁隨意閒成句。不似劉侯要取名。

五鼓不得眠起酌一盃復就枕

栖冷雞聲咽。窗深燭焰明。流年容易過。華髮等閒生。濁挹連醅酒。香搓帶葉橙。殘骸付螻蟻。汗簡更須名。

醉倒歌

曩時對酒不敢飲。側睨旁觀皆貝錦。狂言欲發畏客傳。一笑未成憂禍稔。如今醉倒官道邊。插花不怕顛狂甚。行人喚起更崑昂。牧豎扶歸猶踔蹇。始知人生元自樂。誤計作官常懷懍。秋毫得喪何足論。萬古興亡一酣枕。

冬夜

新醅引睡睡味濃。有如猩猩薦駝峰。屏深燼煖

衾裯重鼻端雷起驚兒童床頭蘭缸綴玉蟲雙
瓶湯熟爐正紅夢回起坐夜未中憑几困睫猶
曹曹霜風凋盡玉井桐月落翠霧淒房櫳一盃
豐粟蠻奴供莊周蝴蝶兩俱空

默坐

巧說安能敵拙修炆香默坐一窗幽煌煌炎火
常下照浩浩黃河方逆流氣住神仙端可學心
虛造物本同遊絕知此事不相負荊棘剪除梨

栗秋

日暮

淅淅風吹葉淒淒雨作泥鵲寒猶遶樹雞晚白
歸栖老病心知有榮枯理本齊端居嫌太嬾拾
瓦傍蔬畦

遣興

勛業如今莫繫懷開單日日學僧齋讒深只有
天堪問憂極渾無地可埋看鏡已成雙白鬢登

山猶費幾青鞵晚來詩興誰能那雀噪空困葉
擁堦

泛舟

夫去泛輕舸飄然興自豪葉凋山寺出溪瘦石
橋高草徑牛羊下煙村鶴鶴號還家一盃酒未
畏暮風饕

夜讀范至能攬轡錄言中原父老見使者
多揮涕感其事作絕句

公卿有黨排宗澤帷幄無人用岳飛遺老不應
知此恨亦逢漢節解沾衣

初冬埽東山之麓置數石于喬松巨竹間
以眺西山甚自適也

護霜天氣半晴陰小嶺蒼寒蘚徑深翠靄欲成
孤鳳舞青松先作老龍吟漁歌浦口生高興騎
吹邊頭負壯心兒報東村蚤梅發杖藜與汝共
幽尋

南堂脊記乃已三十年偶讀之悵然有感
一住三山三十載交親漸覺眼前稀長松鬱鬱
偃高蓋新竹森森添舊圍沙徑雨餘畱鳥迹柴
門日落鎖煙扉放翁正倚蒲團穩遼海從渠萬
事非

劍南詩集卷第二十五

劔南詩彙目錄

卷第二十六

醉臥松下短歌 霜艸 冬夜 村東

小園 書適首二 狂夫 白髮 檢舊詩

偶見在蜀日江瀆池醉歸之篇悵然有感

十一月四日風雨大作首二 冬日觀漁

獵者 雨晴 病起 奉祠 假寐見海

山異甚作小詩記之 松下縱筆首四 拜

勅口號

首二

閒居

十一月十八日蒙恩

再領沖佑鄰里來賀謝以長句

題老學

菴壁

冬晴日得閒遊偶作

示元禮

書巢冬夜待旦

醉後莊門望西南諸山

著書

探梅

歲暮風雨

首二

自夏秋

匱甚慨然有感

題四仙像

首四

自責

自解

午睡起消搖園中因登山麓薄草

乃歸

羣兒

久疾灼艾小愈晚出門外

夙興弄筆偶書

縱筆

冬晴閒步東

村由故塘還舍作

首二

十二月八日步至

西村

夜聞湖中漁歌

忽得京書有感

晚步門外書觸目

親舊書來多問近

況以詩畬之

開書篋見韓无咎書有感

夜大雪歌

寄宇文成州

示子聿

雪

夜坐

春雨

夢與數客劇飲或請

賦詩予已大醉縱筆書一絕覺而錄之

世事 二子 謝郭希呂送石洞酒 飲

酒 無題 雨雪兼旬有賦 北窗睡起

立春 曉枕 落梅首二 閒居無客所

與度日筆硯紙墨而已戲作長句 壬子

除夕 癸丑正月二日首二 避世行 稽

山農 牧牛兒 讀書未終卷而睡有感

早春新晴 枕上聞禽聲 感舊 夜

雨首三 初晴野步 明日復雨排悶首二

小室 浮世 紅梅首二 湖上 晴甫一

日復大風雨連日不止遣懷 癸丑上元

三夕皆大雨雪 寓歎 幽興 緬梅首三

劍南詩彙目錄

卷二十六終

劍南詩彙卷第二十六



醉臥松下短歌

披鹿裘枕白石醉臥松陰當月夕寒藤天矯學
草書天風蕭森入詩律忽然夢上百尺顛綠毛
邂逅巢雲仙相攜大笑咸陽市俯仰塵世三千
年

霜草

入冬已兩旬澤國霜始實可憐青青草一夕生

意盡嗟予蒲柳姿去日若飛隼草衰有復榮我
髮寧再鬢微官雖置散束帶終自憫漸退用嬾
言千載付一哂

白樂天詩曰猶被妻兒教
漸退莫求致仕且分司

冬夜

百錢買管席錦茵亦何加疋布縫籠裘安用狐
腋奢昨者南山僧松肪寄一車可以照讀書堅
坐待朝霞顧影爲發笑山童雙髻丫一掬琴高
魚聊用薦夜茶

村東

村西行藥到村東沙路溪流曲折通莫問梅花
開早晚杖藜到處卽春風

小園

新作小溪園牽藤迤縛門釣舩橫北渚樵路接
東村靜坐依林樾慵眠傍竹根還家日已夕棲
雀鬧黃昏

書適

初南詩集

卷之廿六

及古月

老翁垂七十其實似童兒山果啼呼覓鄉儻喜
笑隨羣嬉累瓦墻獨立照盆池夏挾殘書讀渾
如上學時

又

家食身無役耆年力未衰寓歡那待酒隨意或
成詩窮達元非我寃親竟是誰惟嗟見事晚枉
却鬢邊絲

狂夫

狂夫與世本難諧醉傲王侯亦壯哉奕奕方收
巖際電酣酣已起枕間雷回天力在人終歎入
月星來敵自摧千載鬼雄皆國士直令窮死未
須哀

白髮

白髮今年一倍增閉門養此老無能牛羊被野
霜天晚禾稼連雲歲事登未午春炊餘脫粟乍
寒包裹有麤繒自憐未廢詩書業父子蓬窗共

一燈

檢舊詩偶見在蜀曰江濱池醉歸之篇悵
然有感

江濱池頭爛醉歸青旗日晚插城扉正馳玉勒
衝紅雨又挾金丸伺翠衣老境漸侵歡意盡舊
遊欲說故人稀憑高三歎君知否倦鷁無風亦
退飛

十一月四日風雨大作

風卷江湖雨闔村四山聲作海濤翻溪柴火輦
蠻氊暖我與狸奴不出門

又

僵臥孤村不自哀尚思爲國戍輪臺夜闌臥聽
風吹雨鐵馬冰河入夢來

冬日觀漁獵者

人間漁獵各相從南陌東阡處處逢繡羽觸機
餘耿介錦鱗出網尚噉喁傍觀扶杖常移日就

買還家足御冬更待風霜都過盡却從春野看
春農

雨晴

山川炳煥似闢國風雨退收如解嚴老子真成
無一事抱孫負日坐茆簷

病起

少年射虎南山下惡馬強弓看似無老病卽今
那可說出門十步要人扶

奉祠

明窗松石供琴薦小鼎山泉煮藥苗乞得奉祠
還自愧猶將名姓到中朝

假寐見海山異甚作小詩記之

海如黛色深浪作雪點濺數峰黃金山巉絕出
水面此非想與因了了目中見何時真往遊浮
世付掣電

松下縱筆

自掃松陰寄醉眠龍吟虎嘯滿霜天却思初到
人間世似是唐堯丙子年

又

老不能閒莫笑予五千言豈世間書青松折取
當麈尾爲子試談天地初

又

種玉餐芝術不傳金丹下手更茫然陶公妙訣
吾曾受但聽松風自得仙

又

髯龍天矯欲飛去百尺蒼藤羅絡之應笑此翁
才不進故將老氣起吾詩

拜勅口號

黃紙如鴉字今朝下九天身居鏡湖曲銜帶武
夷仙曰絕絲毫事年請百萬錢

祠俸錢粟絮帛
歲計千緡有畸

恭惟優老政千古照青編

又

扶病中庭拜君恩抵海深頓增新祿格暫拂舊
朝簪心欲先營酒兒言且贖琴人生奉祠貴喜

色動山林

僕以官視大卿監俸給皆增於管尤爲忝竊也

閒居

土鐺茶七椀瓦甌稷三升兀兀能言石騰騰有
髮僧淨巾裁白氎拄杖采紅藤尚喜冬來健逢
山得遍登

十一月十八日蒙恩再領冲佑鄰里來賀

謝以長句

綠章封事徹虛皇黃紙除書降野堂海上春常
探先到壺中日已不勝長氷街再署仙班貴鶴
料重支玉粒香便掛朝冠亦良易金銅茶籠本
相忘

往時嘗使閩者例餽茶三年今不講已久余益未嘗霑及也

題老學菴壁

此生生計愈蕭然架竹苫茆只數椽萬卷古今
消永日一窗昏曉送流年太平民樂無愁歎衰

老形枯少睡眠喚得南村跛童子煎茶埽地亦
隨緣

冬晴日得閒遊偶作

不用清歌素與蠻閒愁已似解連環閨年春近
梅差早澤國風和雪尚慳詩思長橋蹇驢上碁
聲流水古松間牋天公事君知否正乞柴荆到
灰閒

示元禮

燕居侍立出扶行見汝成童我眼明但使鄉閭
稱善士布衣未必媿公卿

書巢冬夜待旦

埽葉擁堦寒犬行編茆護柵老雞鳴風霜漸逼
歲時晚形影相依燈火明史策千年媿豪傑關
河萬里愴功名固應死抱無窮恨老病何由更
請纓

醉後莊門望西南諸山

身是咸陽舊酒徒。龍鍾猶復泥村酤。百年略似
夢長短。一醉且隨家。有無登覽未應慚。脚力功
名正爾歎頭顱。夕陽又凭闌干立。誰画三山岸
幘圖

著書

平生著書汗馬牛。一事不施今白頭。河洛未清
非我責。山林高臥復何求。愚公可笑金堆屋。老
子唯須糟築丘。華表無人識歸鶴。煙波底處有

馴鷗

探奔

我遊東村衝暮煙。斷橋流水鳴濺濺。欲尋梅花
作一笑。數枝忽到拄杖邊。高標元合著山澤。絕
豔豈復施丹鉛。定知曾授餐玉法。不爾恐是凌
波仙。錦江賦詩忽萬里。蓬山把酒今三年。相逢
風味宛如昨。人生何者非前緣。頗思取醉極清
賞。杖頭幸有百許錢。但判挿破烏紗帽。莫記吹

落黃金船

歲暮風雨

驕風起海溼浩蕩東北來鐵騎掠陣過秋濤觸
山回老夫北窗下坐守寒爐灰處世困憂患萬
事學低摧便欲滅燈睡門閉不敢開竝海固多
風汝孱良可哀念昔少年日從戎何壯哉獨騎
洮河馬涉渭夜銜枚

又

一冬少雨雪人意常昏昏夜半有奇事雨聲卷
江村陸子真老農破屋依頽垣扶持衰病身收
召譴逐魂手烹牆陰薺美若乳下豚聽雨取一
醉不厭村酒渾眼青燈生暈衣弊蝨可捫父子
幸相守萬事何足論

自夏秋匱甚慨然有感

萬卷縱橫眼欲枯老猶閉戶誦唐虞故人誰復
訪生死鄰父幸能通有無雲子翻匙新稻飯天

吳坼繡舊衣襦時平得掩松根骨也勝王孫泣
路隅

題四仙像

反虜鯨鯢世共讎漢公勛業過伊周市門灑淚
塵埃裏誰與朝廷植委裘

梅福

又

世上年光東逝波咸陽銅狄幾摩挲神仙不死
成何事只向秋風感慨多

薊子訓

又

曾看四嶽薦虞鰥閱歲三千一瞬間歸臥青山
孤絕處白驢常伴白雲閒

張果

又

蓮花峯下張超谷此老何曾有死生聞道風清
月明夜至今鼻息亂松聲

陳搏

自責

窮途敢恃舌猶存小築城西十里村未掛衣冠

慙士節免輸薪粲荷君恩文章跌宕忘繩墨學
問荒唐失本原仕宦一生成底事子孫世世記
吾言

自解

四十頭顱已可知殘年至此復何爲著書不直
一盃水看鏡空添千縷絲達宦獨驕儒作戲後
生速化吏爲師有冠當掛無餘說但恨衰翁見
事遲

。午睡起消搖園中因登山麓薄暮乃歸
老病攻百骸微纏困束縛頽然一熟睡如獲萬
金藥窗明竹影亂林暖鳥聲樂灰深香欲上火
活湯正作毫甌羞茗荈銅洗供盥濯整巾出庭
戶曳杖歷巖壑遙岑見木杪細水齧籬脚踏
遂忘歸清嘯送日落

羣兒

野行遇羣兒呼笑運甕忙共爲小浮圖嶙峋當

金唐詩集 十二
道旁蜺殼以注燈椀足以焚香須臾一闋散無
益亦何傷古來富貴人義冠登廟堂謀謨一悖
謬縣宇失太康坐令安業民血喋而屍僵傳呼
一朝寵遺患日月長均爲兒戲爾禍機孰深藏
我作羣兒詩持用砭世盲

久疾灼艾小愈晚出門外

老境侵凌病滿軀火攻下策得枝梧沽來村酒
初判醉叱去山童不遣扶霜重木凋鴉可數溪

清魚見鶴相呼興闌却掩扉臥閒看青燈照
藥爐

夙興弄筆偶書

憂患熏心少睡眠雞號窗白一欣然道旁歲晚
貂裘弊燈下書成鐵硯穿杜老慣聽兒索飯鄭
公何啻客無氈春風不解嫌貧病尚擬花前醉
放顛

縱筆

山合水將窮真宜著放翁醉嫌天地迳老覺歲
時公偃蹇松逃世翩仙鶴駕風舊交零落盡一
笑與誰同

冬晴閒步東村由故塘還舍作

故園三徑可婆娑遇興遵塗負杖歌霜重天寒
山色淡草枯野曠獵徒多解刀尚可謀黃犢揮
帖無由致白鵝自計長閒何所恨一生心事在
煙波

紅藤拄杖獨相羊路遶東村小嶺傍水落枯萍

黏蟹椹

鄉人植竹以取蟹謂之曰椹

雲開寒日上魚梁洛陽

二頃言良是光範三書計本狂歷盡危機識天
意要令閒健返耕桑

十二月八日步至西村

臘月風和意已春時因散策過吾鄰草煙漠漠
柴門裏牛迹重重野水濱多病所須唯藥物差
科未動是閒人今朝佛粥更相餽更覺江村節

物新

夜聞湖中漁歌

夢回一燈翳復明臥聞湖上漁歌聲嗚嗚乍低
忽更起嫋嫋欲斷還微縈初隨缺月墮煙浦已
和殘角吹江城悲傷似擊漸離筑忠憤如撫桓
伊箏放臣萬里憂國淚戍客白首懷鄉情峽猿
失侶方獨宿沙雁垂翅猶遐征巴巫竹枝短亭
晚瀟湘欸乃孤舟橫世間此恨故相似使我百

感何由平

忽得京書有感

白髮蒼顏七十翁朽株枯木略相同如山儲藥
難醫拙齊斗堆金不換窮昨夢已拋空劫外殘
年全付醉眠中故人苦未知心事一紙空煩寄
斷鴻

晚步門外書觸目

數椽茆屋鏡湖傍喬木蒼煙一徑長酒賤過門

多醉叟天寒棲畝有餘糧歌呼草市知人樂簫
鼓鼓祠喜歲穰只道老來詩思盡未妨擊壤頌
時康

親舊書來多問近況以詩畱之

耐辱推頰百不能居然老病住菴僧流年速似
一彈指更事多於三折肱庭樹影中聞夜汲隣
機聲裏對寒燈沈詩任筆俱忘盡酒戶新來却
少增

開書篋見韓无咎書有感

老覺人間萬事非幽棲幸已脫塵鞿殘年得飽
不啻足舊友半空誰與歸開眼不妨成一夢翦
翎何至羨羣飛龍圖老子今安在把卷燈前淚
滿衣

夜大雪歌

朔風吹雪飛萬里三更款款鳴窗紙初疑天女
下散花復恐麻姑行擲米異哉凍硯已生冰信

矣重衾如潑水山中臥澗松竹折庭前蔽地烏
鳶死昨日之煖殊昏昏桃李欲坼春滿園陰陽
錯繆世或有物窮則變古所言雖云明年幸一
麥凍餒溝壑知誰存嗚呼今夕之雪未足論所
憂明日巉巖高塞門

寄宇文成州

成州太守比何如夢裏依然把臂初復起卿當
用卿法長閒吾實愛吾廬五湖風雨孤舟夜萬

里關山一紙書正使兩翁長隔濶子孫它日莫
相疎

示子聿

我鑽故紙似癡蠅汝復孳孳不少懲父子更兼
師友分夜深常共短檠燈

雪

平郊漫漫覺天低況復寒雲結慘悽老子方驚
飛蛺蝶羣兒已說聚狡狴中宵鳶墮頻摧木徹

旦雞瘖重壓棲只待新晴梅塢去青鞵未怯踏
春泥

夜坐

耿耿殘燈夜未央負牆閒對篆盤香風號東北
河水合月落西南竹影長孤鶻欲棲頻繞樹寒
龜無息穩搯床頽然坐睡那知曉推戶朝曦已
滿廊

春雨

午夜聽春雨發生端及期世憂殊未艾天意固
難知士節承平日人材南渡時後生聞見狹撫
枕歎吾衰

夢與數客劇飲或請賦詩予已大醉縱筆
書一絕覺而錄之

高談雄辯憑陵酒豪竹哀絲蹴蹋春占斷名園
排日醉不教虛作太平人

世事

世事說來猶可厭
宦情夢裏亦應無
山林已結三生願
朝市誰非九折途
醉舞盃盤無藉在
狂吟風月不枝梧
何人今擅丹青藝
爲画蘇門長嘯圖

二子

兩楹夢後少真儒
毀譽徒勞豈識渠
孟子無功如管仲
楊雄有賦似相如
敬王事業知誰繼
準易工夫故不疎
孤學背時空絕歎
白頭窮巷抱

遺書

謝郭希呂送石洞酒

從事今朝真到齊
春和盎盎却秋凄
色如夷甫玉麈尾
價敵茂陵金褭蹏
瑞露頗疑名太過
橐泉猶恨韻差低
山園雪後梅花動
一榼常須手

自攜

瑞露桂盃酒得名甚盛橐泉岐下酒自管名冠關中而失之太勁

飲酒

六十四民安在哉
千八百國俱煙埃
世人一漚

寄巨海對酒不醉吁可哀平生清狂今白首芒
屨布裘稱野叟晨興窗几網蛛絲石洞書來餉
名酒看月直到無月時尋花直到花片飛醉中
往往花壓帽鄰里聚看湖邊歸先生兩耳不須
洗利名不到先生耳狂歌起舞君勿嘲青山白
雲終醉死

無題

金鞭朱彈憶春遊萬里橋東罨畫樓夢倩曉風

吹不去書憑春雁寄無由鏡中顏鬢今如此幙
下朋儔好在不箇有吳牋三萬箇擬將細字寫
新愁

雨雪兼旬有賦

冬溫息雨雪稍久已復厭初寒人怨咨千載語
猶驗人心自無常天命本不僭積陰勢已極浮
雲會當斂山花紅酣酣谿水綠灩灩短蓬倘可
具與子東入剡

北窗睡起

違物離人不計年
萬金難買北窗眠
高懷元在羲皇上
大事已明空劫前
樵路細盤雲外嶺
釣筒倒插水中天
此時消息君知否
千載巢由未足賢

立春

紹熙又見四番春
春日春盤節物新
獨酌三盃愁對影
例添一歲老
催人菊芽冒土如爭出
柳

色搖村已漸勻
身是蘭亭山下客
未容逸少擅清真

曉枕

殘漏戛戛急明星
磊磊高一從安枕臥
無復攬衣勞
熨斗生晨火
熏籠覆縵袍
一盃山藥酒紅日滿亭臯

落梅

雪虐風饕愈凜然
花中氣節最高堅
過時自合

飄零去耻向東君夏乞憐

又

醉折殘梅一兩枝不妨桃李自逢時向來冰雪凝嚴地力幹春回竟是誰

閒居無客所與度日筆硯紙墨而已戲作

長句

水複山重客到稀文房四士獨相依黃金那得與齊價白首自應同告歸韞玉面凹觀墨聚浣

花理膩覺豪飛

韞玉淄硯名浣花蠶牋名

興闌却欲燒香睡

閒聽松聲晝掩扉

壬子除夕

前村後村燎火明東家西家爆竹聲老逢新正幸強健却視徂歲何崢嶸兒時祝身願事主談笑可使中原清豈知一出踐憂患斂縮豈復希功名雪霜滿鬢覺死近節物到眼空歎驚蠶官社公正暖熱春盤儼鼓爭施行蓬門車馬所不

至山僧野叟相逢迎嗚呼吾曹見事晚古俗實
在蚩蚩氓茆簷一笑語兒子明當滿舉屠蘇觥
癸丑正月二日
朱顏不老畫中人綠酒追歡夢裏身堪笑三山
衰病叟閉門寂寂過新春

又

菊叢抽綠滿枯荻繞舍梅花已遍開須信今春
春事早江鄉開歲有奔雷

避世行

君渴未嘗飲鴟羽君飢未嘗食烏喙惟其知之
審取捨不待議有眼看青天對客實少味有口
啖松柏火食太多事作官蓄妻孥陷穽安所避
刀鋸與鼎鑊孰匪君自致欲求人迹不到處忘
形麋鹿與俱逝杳杳白雲青嶂間千歲巢居常
避世

稽山農

余作避世行以爲不可常也復作此篇

華胥氏之國可以卜吾居無懷氏之民可以爲
吾友眼如巖電不看人腹似鷓夷惟貯酒周公
禮樂寂不傳司馬兵法亡亦久賴有神農之學
存至今扶犁近可師野叟粗繒大布以禦冬黃
梁黑黍身自春園畦剪韭勝肉美社瓮撥醅如
粥醲安得天下常年豐老死不見傳邊烽利名
畫斷莫挂口子孫世作稽山農

牧牛兒

南村牧牛兒赤脚踏牛立衣穿江風冷笠敗山
雨急長陂望若遠隘巷忽相及兒歸牛入欄煙
火茆簷溼

讀書未終卷而睡有感

算年緣一嬾百事俱棄置今遂嬾到書把卷輒
坐睡其餘嬾則已感此獨戲歛念管少壯時日
夜痛磨礪誓言死爲期身在敢暴棄寧知未死
前殆欲負此志顏回稱好學楊雄乃識字勉哉

慕前修自畫聖所諱

早春新晴

柳弄春柔拂小潭山橫霽色卷浮嵐
飛揚旛脚擲東北零落梅花餘二三
村店疎燈新賣酒神祠疊鼓正祈蠶
幽人睡起東園去芹茁萱芽又滿籃

枕上聞禽聲

屏掩輕寒酒半消斷香殘夢兩無憀
開年春意

遽如許破曉一聲娑餅焦

感舊

憶從南鄭入成都氣俗豪華海內無
故苑燕開車載酒名姬舞罷斗量珠
浣花江路青螭舫槎柳毬場白雪駒
回首壯遊真昨夢一竿風月老南湖

夜雨

澤國寒多雨畸人夜少眠不緣醒作病
只合醉

終年庭艸已爭茁園梅空自憐重雲不難抉無
劍倚青天

又

寒雨連三夕幽居只數椽家貧輕過節身老怯
增年日月悲歌裏關山淚眼邊梅花自開落歎
息爲誰妍

又

人日春猶淺雞晨夜向闌殘缸燈暈小單枕雨

聲寒難補皇天漏空息后土乾山家尊酒薄懷
抱若爲寬

初晴野步

入市路三叉緣山港半斜疎籬帶殘雪幽竇瀉
湍沙好鳥晴相語芳蘭暎欲芽病餘無脚力隨
處憩人家

明日復雨排悶

湖上孤村冷欲冰更堪衰與病相瘞夢回點滴

簷間雨心折青熒帳外燈雖有數椽常似客僅
存一肉未成僧披衣偶取南華讀打破愁城喜
不勝

又

此老在家如出家蒲團趺坐讀南華溼雲不散
雁呼伴幽室無聲燈墜花心法先當破窠窟世
緣最忌養萌芽行年七十方知悔萬事無涯生
有涯

小室

小室僅容膝焚香觀昨非出門寧有得知我正
須希霜橘爭碁樂仙壺賣藥婦平生釣竿手不
解叩黃扉

浮世

浮世如流水滔滔日夜東百年均夢寐萬古一
虛空青鳥來雲外銅駝臥棘中相逢惟痛飲令
我憶無功

紅梅

苧蘿山下越谿女戲作長安時世粧白白朱朱
雖小異斷知不是百花香

又

雪裏溪頭已占春小園又試晚粧新放翁老去
風情在惱得梅花醉似人

湖上

今朝雨初晴湖上好天色落梅紛可藉桑柳亦

已拆老夫病良已竝水散輕策冉冉春物新忽
忽衰髮白四方豈不樂嬾惰畏遠客惟當勤買
酒東城復南陌

晴甫一日復大風雨連日不止遣懷

書劔當年隘九州白頭歸臥一窗幽染成草色
春猶淺老盡梅花雨未休得句已無前輩賞開
編時與古人遊山房小甕今朝熟不恨尊前自
獻酬

癸丑上元三夕皆大雨雪

雨雪連三日孤城冷欲冰
泥深唯響屐風惡更
吹燈空惱追歡客何關
在定僧一盃嘗豉煎寒
影對峻嶒

寓歎

人生各自有窮通
世事寧論拙與工
裹馬草心空許國
不龜手藥却成功
早朝玉勒千門雪
夜坐蓬窗萬壑風
俗得奇書且勤讀
小兒能續地

爐紅

子坦以新昌木炭二百斤來

幽興

雨後梅花無復在
老來酒盞頓成疎
身如海燕不逢社
家似瓜牛僅有廬
短髮垂肩懶中散
深居謝客病相如
從今何以消長日
剗種芭蕉學草書

緗梅

疎影橫斜事已非
小園日暮鎖芳菲
素綃應怯

東風思故著重重淺色衣

又

香似海沉黃似酒不禁風雪最遲開放翁欲作
梅花譜蠟屐稽筇日日來

又

紅梅眼看風吹盡更有緗梅亦已無天與色香
天自愛不教一點上蜂鬚

劍南詩藁卷第二十六

劔南詩彙目錄

卷第二十七

僧廬 春日 春遊 懷咎 記夢 春

陰 睡起行至門外有賦 早春四首 醉

吟三首 贈劉改之秀才 蓬門 龍鍾

送佛照光老赴徑山 春社有感 春社

四首 村夜 山園遣興 次韻陳機宜見

贈 野意 戒殺 余年四十六入峽忽



復二十三年感懷賦長句 山行 雨中
排悶 杜敬未寓僧舍開軒松下以虛瀨
名之來求詩 贈徑山銘書記 五月一
日作 春夏之交衰病相仍過芒種始健
戲作 自嗟 枕上迷夢 雨中排悶
小軒夏夜涼甚偶得長句呈杜未高秀才
憶管 夏日晚興 老翁 困甚戲書
歲晚 戲詠山陰風物 老健 六月

晦日作 喜雨 門外納涼 贈蘇趙叟
兄弟 癸丑七夕 笑語 書歎 秋曉
倚闌 癸丑七月二十七夜夢遊華嶽廟
二首 僕頃在征西大幕登高望關輔樂之
每冀王師拓定得卜居焉暇日記此意以
示子孫 讀陶詩 秋夜感舊十二韻
幽居 醉題 雨涼小飲戲作 題三壁
書憤 秋興 雨夜排悶 二首 秋日出

遊戲作

首二

雨中夕食戲作

首三

自警

寄方瞳胡先生

雨夕焚香

秋雨初霽

徙倚門外有作

雨中作

贈老雞

首二

秋晚閒步隣曲以予近嘗臥病皆欣然迎

勞

雨夜

醉臥道傍

枕上聞急雨

首二

得趙若川書因寄

夢至洛中觀牡丹

繁麗溢目覺而有賦

閒居對食書媿

首二

秋夜獨酌

風雲交作戲題

自嘲

書室 數日秋氣已淡清坐無酒戲題長

句 五更起坐

谿上雜言

厭事

方

池 癸丑重九登山亭追懷頃在興元常

以是日獵中梁山下樂甚慨然賦詩予于

是生六十有九年矣